

# *GINAUSAB BA GAYUD SA DIOS*

## *ANG IYANG HUNAHUNA*

### *BAHIN SA IYANG PULONG?*



Iduko nato ang atong mga ulo. Minahal nga Ginoong Jesus, nagkatigum na usab kami sa Imong Ngalan, uban sa dakung pagpaabot sa pagbubo sa nagabuhing Gahum sa Dios aron pagdala kanamo ngadto sa pag-ila sa among pwesto ug dapit, ug sa among mga responsibilidad, ingon nga tinawag nga mga katawhan, binulag gikan sa kalibutan, gipahinungod ngadto sa Dios. Itugot, Ginoo, ning gabhiona, nga ang mga panalangin sa Dios magatultol kanamo ug magagiya kanamo diha sa mga butang nga among pagahimoon o isulti, nga kini hinaut magadala'g pasidungog ug paghimaya sa Imong Ngalan. Amen.

<sup>2</sup> Ako malipayon nga makabalik sa simbahan ning gabhiona ug mauban kamong minahal nga mga tawo. Ug ako nasayod nga mainit, apan bag-ohay ko pa gitawgan ang akong asawa, nagtuo ko nga lagpas nobenta didto, nobenta'y singko o nobenta'y sais o mga ingon-ana, ug kini mas mainit diyutay kay sa ania niini dinhi. Busa ako naanad na sa mainit nga panahon karon. Busa, apan ako malipayon kaayo nga maania dinhi sa tabernakulo sa niining maanindot nga panahon sa Pasko sa Pagkabanhaw.

<sup>3</sup> Ug ako dili makasulti nga ako mangayo'g pasaylo alang niadtong hataas, hataas kaayong Mensahe ganinang buntag, apan akong... Kini maoy, dili ko gusto—gustong hutdon ang inyong pasensya ug unya mobalik na sab niini ning gabhiona. Apan akong—akong gustong—dalhon kanang Mensahe diha kaninyo, nga kamo kabahin niining pagkabanhaw. Kita n'yo? Ug dili na mabalaka pa bahin Niini, dili na, kita n'yo. Pagkalipay lang alang Niini! Wala na gayud, sa bisan asa pa man, ang makapahimulag kaninyo gikan Niini; wala gayud; sa Walay Katapusan luwas na diha sa Gingharian sa Dios. Sa diha nga ang Dios nagtatak na sa Iyang Timri diha kaninyo, kamo lampos na ngadto sa padulngan.

<sup>4</sup> Sa diha nga ang gobyerno ginatimrihan ang usa ka pinutos, ang kumpanya sa relis nagaselyo na sa pultahan, kanang sakyonan dili na mahilabtan hangtud nga kini moabot sa iyang padulnganan.

Sa diha nga ang Dios nagabutang sa Iyang Timri sa usa ka tawo. Ug ang Timri mao ang Balaang Espiritu. Sa diha nga Iyang ginatimrihan ang usa ka tawo ingon niana, siya mipadulong na

ngadto sa iyang padulnganan sa Eternidad. Dili na gayud pa nga siya, makabalik pa, gayud. Kay hinumdomi, sa Mga Taga-Efeso 4:30 nagaingon, “Ayaw pagsakita ang Balaang Espiritu sa Dios, ni kinsa gikatimrihan na kamo alang sa tanang panahon.” Kita n’yo, kamo gitimrihan na hangtud sa hangtud. Kamo gitimrihan na, sa Walay Katapusan, ngadto sa Gingharian sa Dios, pinaagi sa Balaang Espiritu. Karon hunahuna-a kana!

<sup>5</sup> Unya, kamo, ang yawa mosukmag kaninyo, ug ipanulti niya ang matag-butang nganha kaninyo, ug magaakusar kaninyo, ug—ug magapaninguha sa pagpahunahuna kaninyo nga kamo dili. Apan ayaw kamo’g paminaw kaniya.

<sup>6</sup> Karon, kamo nahibalo na nga kamo nakalabang na gikan sa kamatayon ngadto sa Kinabuhi. Kamo nasayod nga ang mga butang nga sa makausa inyong gihigugma, wala na ninyo higugmaa pa. Kamo nasayod nga inyo nang gitooan ang matag Pulong sa Dios. Inyo nang nakita ang Dios nga nagapamuhat mismo sa atong taliwala, sa walay. . . Sa dili-masayup nga mga kalig-onan nga Siya mao ang dakung “AKO MAO.” Inyong namatikdan nga ang bisan unsa may giingon diha sa Iyang Ngalan, wala gayuy ni usa ka butang nga gipanagna na diha sa Iyang Ngalan kondili sa kon unsa lang ang nahitabo sa tukma gayud nga nahitabo niini. Bisan pa sa siyensya, pamantalaan, litrato, mga kudak, mga magsusulat, ang tanang uban pa, gikinahanglan nga ilhon kini. Kita n’yo, bisan pa kon gusto man nila o dili, ginapabuhat kini kanila sa Dios, bisan unsaon, kita n’yo, aron mahimong maila kini.

<sup>7</sup> Karon, ingon nga usa ka diyutay’ng pundok. Hinumdomi, dili alang sa usa ka dakung pundok nga Siya nagaanhi. “Ayaw kahadlok, gamay’ng panon; gikahimut-an kini sa inyong Amahan. . .” Kita n’yo?

<sup>8</sup> Gusto kong magabilin ug usa ka pulong diha kaninyo, nga makapakurat, sa dili pa kita magahimo’g usa ka pag-ordina sa usa ka ministro. Ug kini makapakurat kaayo, apan para lang nga mahibaloan ninyo. Karon, wala ko nagaingon nga kini tukma sa ihap, apan gusto ko nga igabilin kini diha kaninyo.

<sup>9</sup> Wala ko masayod kon may mga katawhan man dinhi nga nakakita na gayud sa paghaybred sa baka. Nga, ako wala nagatoo niini, apan ako nakabantay sa paghimo niini. Ug akong nakita sila nga nagakuha’g similya sa laki, nga igo lang makadapat sa usa ka diyutay’ng metal, sama sa usa ka diyutay’ng igpangiki, ug ginapahiluna kini sa usa ka marmol. Ug tuyokon kadtong mga salamin nga nagapadaku niini, wala ko masayod kon makapila ka piloa, hangtud nga kadtong semilya. . . Diin wala kay bisan unsa nga makita diha sa natural nga mata, sa bisan unsa nga ordinaryong salamin. Apan sa dihang kini gipadaku, gatus o usa ka gatus ug singkwenta ka mga pilo, imong makita diha sa usa ka diyutay’ng tulo,

sa semilya, tingali singkwenta ngadto sa usa ka gatus ka gagmay'ng mga semilya nga nagaulpot-ulpot. Usab, diha sa baye nagapanungha ingon sa ka daghang mga itlog, sa—sa semilya. Karon, sa dihang sila—sila gikatipon, karon, ang unang duha nga nagakatagbo ug nagakaabot . . .

<sup>10</sup> Aduna lamay usa gikan nianang usa ka milyon ang mabuhi. Inyo ba gayud nahunahunaan kana? Sila mao ra nga semilya, ug mao ra nga itlog, pareho silang managsama gayud, apan aduna lamay usa nga mabuhi. Ug kana dili mabut-an kon kinsa ang mauna dinha. Tungod kay, usahay ang itlog, anaa diha sa kaulahian, ug ang semilya tingali anaa taliwala sa semilya, ug sila magkamangay ang usa'g usa. Kini nagakinahanglan sa usa ka Intelihensiya sa pagpakisayod kon kini mahimong lalaki ba o babaye, pula ba ang buhok, itum ba ang buhok, o unsa pa man. Kini mao ang pagpili sa Dios. Wala na'y lain pa. Ang pagpili!

<sup>11</sup> Bisan sa natural nga pagkatawo, maoy pagpili, kon kini malalaki man o mababaye, o bisan unsa pay mamahimo niini. Ug sa diha nga kanang gamay'ng semilya molimbaglimbag ngadto niining gamay'ng itlog, ug ang gamay'ng mga pangulahian mapuwas, kini nagapasugod sa bukobuko sa bata sa kon unsa man kini; mananap man, bata, o unsa pa man niini. Ug ang uban pa niadtong milyon ka mga semilya . . . Usa ka milyong mga itlog, usa ka milyong mga semilya, ug usa lang ang mabuhi. Tanan parehas, apan ang Dios nagapili pinaagi sa eleksyon kon unsa ang mabuhi, ug uban nga tanan kanila mangamatay. Usa gikan sa usa ka milyon!

<sup>12</sup> Sa dihang ang Israel mibiya sa Egipto, sila tanan mitoo sa usa ka mensahe sa propeta. Ilang nakita ang mga timailhan sa Dios, pinaagi ni Moises. Ang matag usa kanila nakakita kanila. Ug sila sa matag-usa migawas sa Egipto, ug milakaw latas sa Pulang Dagat, ug gipangbautismohan ni Moises. Ang matag-usa nakakita sa gahum sa Dios nga nagaabot kaniya, sa dihang mikanta siya sa Espiritu; ug sa diha nga si Miriam midukdok sa tamburin, nagadagandagan ngadto-ug-nganhi sa baybayon. Ang matag-usa kanila, sa matag gabii, nanga-on ug preskong, langitnong manna gikan sa kawanangan. Ang matag-usa niadto nanginun gikan niadtong espirituhanong Bato nga gibunalan. Ug adunay duha ka milyon ka mga tawo ang mibiya sa Egipto. Pila ra ba ang nakaabot sa yutang saad? Duha. Usa gikan sa usa ka milyon! Asa na man silang tanan? Si Jesus miingon nga sila nangamatay. “Ang inyong mga ginikanan nanagkaon sa manna didto sa kamingawan, sulod sa trayenta ka mga tuig, ug Akong ginasulti kaninyo nga silang tanan nangamatay.”

<sup>13</sup> Karon adunay mokabat sa lima ka gatus ka milyon nga mga Cristohanon sa kalibutan ning gabhiona, apil ang Katoliko, Protestante, ug tanan na. Kon si Jesus moabot man nianang Pagsakgaw, sumala sa akong bag-ohay pang gikaingon, maanaay lima ka gatus ang mawala sa kalibutan ning gabhiona,

diha sa Pagsakgaw. Ug sila malagmit sa matag adlaw, apil ang tibuok mga kayutaan, nga wala pa gayud naihap. Busa kini mahimong mahitabo sa unsa mang orasa, kita n'yo.

<sup>14</sup> Oh, mga Cristohanon, isul-ob nato ang hinagiban sa Dios. Atong himoon ang tanan nga atong nahibaloan kon unsaon, sa pag-alagad Kaniya, sa paghigugma Kaniya, ug magpaabut alang nianang dakung higayon.

<sup>15</sup> Karon, walay mahitabo nga usa ka dinagkung minilyon ug mga pinundok nga mogikan sa usa ka henerasyon ug magamartsa pasulod. Dili—dili mahimong mahitabo.

Karon, hinumdomi, ang matag adlaw nagatapus sa usa ka henerasyon, sa matag adlaw. “Maingon sa nahitabo kaniadto sa mga adlaw ni Noe, maingon man usab sa pag-abut sa Anak sa tawo, nga niini walo ka mga kalag ang naluwas latas sa tubig.” Apan ang matag adlaw nagatapus sa usa ka kwarenta ka tuig nga panahon alang sa usa ka tawo, alang sa pipila. Kita n'yo? Ug sa matag adlaw, adunay ingon kadaghan ang gitimrihan ngadto sa Gingharian. Usa ka adlaw, ang maong katapusang adlaw magaabot.

Atong panigurohon karon, samtang kita ania pa sa husto natong panghunahuna. Ug sa iglesia, ug taliwala sa katawhan, diin ang Balaang Espiritu mipaila gayud sa Iyang Kaugalingon kanato, atong panigurohon nga ang tanantanan maayo, ug nagapabiling maayo, sa atubangan Niya.

<sup>16</sup> Ayaw kamo paghunong. Ayaw'g pahulayi, sa adlaw ug gabii, hangtud nga ang nagabuhi nga Gahum midala na kaninyo gikan sa mga butang sa kalibutan, ngadto sa Gingharian sa Dios. Ug kamo nga sa tinuod gidala na ngadto sa Gingharian sa Dios ug gibuhi na pinaagi sa Espiritu sa Dios, daw unsa ka malipayon! Uban sa mga luha sa kalipay kita angay nagaluhod, sa adlaw ug gabii, nagapasalamat sa Dios tungod sa Iyang gibuhat.

<sup>17</sup> Karong gabii aduna kita'y diyutay'ng pag-usab sa serbisyo. Aduna kita'y maayo kaayong igsoon dinhi, si Igsoong Capps. Siya mianhi kanato gikan sa iglesiang Nazarene. Ug sa akong pagtoo husto ba kana, Igsoong Capps? Siya matinguhaon ning gabhiona nga maordinahan pinaagi kanato, sa pagpandong sa mga kamot.

<sup>18</sup> Kita walay mga papelis nga ihatag ngadto kang bisan kinsa, bisan pa niana kita inila ingon nga . . . Mahimong aduna kitay mga papelis, apan kita nagatoo nga ang usa ka matuod, nga ordinadong ministro, ang iyang mga papelis atua sa Langit. Kita n'yo? Ug siya—siya adunay katungod sa pagwali sa Biblia samtang nga ang Dios ginaila ang iyang kinabuhi diha sa Biblia. Kita nagatoo nga mao nay iyang mga kredensiyal.

<sup>19</sup> Ug, karon, si Igsoong Capps opisyal nga naordinahan na diha sa—sa iglesiang Nazarene, apan ning gabhiona gusto niya nga ang mga anciano, ug uban pa, magapandong sa mga kamot diha

kaniya alang sa pag-ordina, aron dalhon kining Mensahe. Daw sa unsa ka maisugong butang!

<sup>20</sup> Akong—akong nadunggan ang mga gipangbalita sukad nga ako didto sa Tucson, ug ingon ka maanindot nga mga balita, bahin ni Igsoong Capps dinhi sa iyang pagtabang sa atong maabiabihong Igsoong Neville, kinsa maoy nagakupot sa maong Kahayag sa kandila ingon kamaisogon sama sa pagkupot niining duha ka mga tawo. Ato nang napandongan sa mga kamot si Igsoong Neville, apan dili pa diha kang Igsoong Capps. Ug gusto ko kadto kinsa mga ministro, si Igsoong Jackson ug sila, kon sila nia man dinhi, ug si Igsoong Ruddell ug ang mga anciano sa iglesia dinhi, kon sila mosaka diri alang sa pipila lang ka mga minuto karon, ug sa pagpandong sa mga kamot kang Igsoong Capps. Ug sa . . .

<sup>21</sup> Karon atong makaplagan, diha sa Biblia, nga sa ingon-anang paagi ilang gibuhathang kini, sila nagapandong sa mga kamot diha kanila ug ila silang gilain dayon. Ug mao kana'y paagi nga ilang gibuhathang kang Timoteo. Miingon, “Sa niining hiyas nga anaa kanimong, gikan sa apohang babaye nga si Loida . . .” Ilang nahimatikdan kini, nga adunay gasa diha sa maong tawo, nga giduolan siya pinaagi sa mga presbiterio, sa pagpandong sa mga kamot.

<sup>22</sup> Karon, ang latter-day nga mga igsoon, latter-day-rain nga mga kaegsoonan, nakaangkon, galing lang, nga maoy nakapalibog. Sila naghunahuna nga ila siyang nahatagan ug gasa, sa pagbuhathang niana. Dili, ang gasa anaa na daan kaniya, ug sila igo lang nagpandong sa ilang mga kamot diha kaniya ingon nga usa ka pagmatuod nga sila mitoo nga ang Dios mibutang na sa gasa diha kaniya. Ug sila nagpamatuod niini, pinaagi sa pagpandong sa mga kamot.

<sup>23</sup> Ug kining mga tawhana dinhi niining iglesia, nga ako nagatoo nga mipuyo diha sa ilang kalag ang Iyang nagabuhing Gahum; kon kamong mga igsoon mahimong mosaka karon, si Igsoong Ruddell ug ang tanan pa diha kaninyo nga ania dinhi sa simbahan, ug ang mga anciano ug igsoong mga kasimbahanan sa palibot, aron pagpandong sa mga kamot kang Igsoong Capps, aron nga mahimo siyang maordinahan pinaagi sa atong pagpamatuod, sa atubangan niining mga tumatambong, ug gisugo sa pagwali sa Maayong Balita ni Ginoong Jesus, ngadto sa bisan asa man siya mahimong tawgon sa Dios. Siya nahimong . . .

Siya usa na kanato, pinaagi sa Pagpakatawo. Siya usa kanato tungod kay siya nagtoo sa Mensahe. Siya usa kanato tungod kay—kay siya nagabarug alang sa Kamatuoran sa Pulong. Ug gusto nato nga si Igsoong Capps opisyal na nga maordinahan, sa atubangan kaninyo, pinaagi sa pagpandong sa mga kamot, nga siya usa na kanato.

Sige, Igsoong Ruddell, Igsoong Capps, Igsoong Neville. Si Igsoong Junior Jackson, bisan kinsa kanilang uban nga mga ministro dinhi, wala ko masayod kon pila gayud ang ania karon. Wala ko... Sa pagtoo ko nga aduna sila'y ilang kaugalingong mga pagserbisyo ning gabhiona. Busa saka na dinhi, Igsoong Capps.

Karon asa man si Igsoong Hunter ug sila nga gikan sa New York, Akong... Si Igsoong Anthony? Siguro nakabalik na sila. [Si Igsoong Neville nagaingon, "Tua si Igsoong Anthony didto sa likod."—Ed.]

Si kinsa mang uban kaninyo nga ania dinhi, nga uban kanato, aba, malipay kami alang kaninyo nga mosaka dinhi ug magatindog kauban kanamo karon, ingon nga usa ka pagpaila nga kita nagatoo nga ingon niana si Igsoong Capps.

Pila ba kaninyo dinhi nga nakaila kang Igsoong Capps, iisa ang inyong kamot. Sige, ipaubos na ang inyong mga kamot. Pila ba ang nagatoo nga siya usa ka alagad sa Dios, iisa ang inyong mga kamot. [Ang kongregasyon nagaingon, "Amen."—Ed.] Ato siyang ginahigugma, ingon nga atong igsoon.

<sup>24</sup> Karon dili kini maoy tukma gayud sa hustong pamaagi sa atong ginatawag nga pagpang-ordina, apan gusto ko niining tumatambong... Dili ko makanta kining kantaha, apan gusto kong tabangan ko ninyong sulayan kini. Nga...

<sup>25</sup> Usa ka adlaw may usa ka propetang mipaingon ngadto sa halaran, sa templo. Ug samtang siya didto sa templo... Siya sukad pa usa ka maayong tawo, apan nagpahimutang lang siya diha sa mga bukton ni Uzias nga hari, ug siya usa—siya usa ka maayong tawo. Apan labot pa, usa niana ka adlaw, sa templo, iyang nakita ang usa ka butang, sa dihang siya nahiadto sa usa ka panan-awon, nga wala pa gayud niya nakita sukad. Iyang nakita ang mga Manulonda, nga adunay mga pako, nagapanglupad ngadto-nganhi, sa tibuuk gambalay, nga nagasinggit, "Balaan, balaan, balaan, ang Ginoong Dios nga Makagagahum!"

Ali ngari, igsoon. Oo. Kita n'yo?

"Balaan, balaan, balaan, ang Ginoong Dios nga Makagagahum!"

Ben?

<sup>26</sup> Ug sa dihang iyang nakita, ang mga haligi sa templo miingon. Ug siya miingon, "Alaut ako! Kay ako usa ka tawo nga mahugaw ug mga ngabil." Diha sa Presensya sa Dios iyang naila, nga bisan pa'g siya usa ka propeta, siya nasayup. Siya miingon, "Ako usa ka tawo nga mahugaw ug mga ngabil, ug ako nagapuyo taliwala sa mga tawo nga mahugaw ug mga ngabil."

27 Ug ang usa sa mga Manulonda milupad, ug mikuha'g usa ka baga sa Kalayo ug gipadapat sa iyang mga ngabil, ug miingon, "Panagna, anak sa tawo!"

Mahimo bang ihatag kanamo ang tuno niana, igsoong babaye, kon mahimo nimo. Pila man ang nahibalo niining kantaha? Atong, sa unang laray. Sige.

When the coal of fire touched the prophet,  
Making him as pure as pure can be,  
When the voice of God said, "Who will go for  
us?"

Then he answered, "Here am I, send me."

[Blankong bahin sa teyp—Ed.]...speak, my  
Lord,

Speak, and I'll be quick to answer Thee;  
Speak, my Lord, speak, my Lord,  
Speak, and I will answer, "Lord, send me."

Millions now in sin and shame are dying;  
Listen to their sad and bitter cry;  
Hasten, brother, hasten to their rescue;  
Quickly answer, "Master, here am I."

Speak, my Lord, speak, my Lord,  
Speak, and I'll be quick to answer Thee;  
Speak, my Lord, speak, my Lord,  
Speak, and I will answer, "Lord, send me."

Itugot sa mga anciano nga magalibot karon ug magapandong kang Igsoong Capps. Iduko natong tanan ang atong mga ulo.

28 Mahal nga Dios, ang mga haligi sa templo miirrog pag-usab, ug sa ingon nga nakita ang Espiritu sa nagabuhing Kinabuhi nagalihok sa among igsoon. Ako nagaampo, Dios, ingon nga iya kining ginabati gikan sa Itaas, nga nagaingon nga siya kinahanglan mosangyaw. Kami nagapandong diha kaniya, ingon nga Imong mga anciano, Ginoo, ug ginahatag kaniya ang tuong kamot sa pagpakigkauban; ug nagapandong sa among mga kamot diha kaniya, ug nagahatag sa mga pagpanalangin sa Dios diha kaniya, nga Ikaw magadihog sa iyang mga ngabil, sa iyang hunahuna, sa iyang tibuok pagkatawo. Ug hinaut nga iyang dalhon kining Mensahe sa Maayong Balita ngadto sa matag suok ug kanto diim Imo Siyang pagatawag ngadto. Itugot kini, Ginoo. Among ginatugyan Kanimo ang among igsoon, ingon nga usa Nimo ka alagad, sa Ngalan ni Jesus Cristo. Amen.

29 "Iwali ang Pulong," akong batan-ong igsoon. "May higayon, ug walay higayon; himoa ang pagpamadlong, ang pagsaway, diha sa tumang pagkamapailubon ug sa Pagpanudlo." Ang Dios magapanalangin kanimo, igsoon.

<sup>30</sup> [Si Igsoong Ben Bryant nagaingon, “Igsoong Branham, mahimo bang pandongan mo ako? Mahimo ba nila akong pandongan? Gusto ko nga maordinahan.”—Ed.] Ikaw bay... Wala ko mahibalo nga ikaw wala pa.

Si Igsoong Ben, dinhi, miduol kanato. Sa pagtoo ko nga siya sukad nagawali na sa pipila ka panahon. Galing, siya dili pa gayud opisyal nga (Sa akong gitoohan nga siya human na; mao kana’y hinungdan nga ako siyang gitawag) naordinahan, o napandongan siya sa mga kamot dinhi.

<sup>31</sup> Karon, ang asawa ni Igsoong Ben nia dinhi sa kon asa man, ug siya usa ka bililhong tawo. Siya kaniadto usa ka babaye’ng magwawali. Ug sa dihang siya ug ang atong igsoon nagminyo, ug iya siyang gidala sa tabernakulo, sa dihang iyang nakita ug nadunggan ang Pulong, labot pa siya usa ka maayo nga diyutay’ng babaye nga may maayo kaayong personalidad, apan sa dihang iyang nakita nga kini sayup alang sa mga babaye ang paghimo niana, siya mipadaplin; ug morag kini nahiadto sa iyang bana. Mao kana’y sa husto. Ma-apostolikanhon kana. Mao kana’y pamaagi nga angay.

<sup>32</sup> Si Igsoong Ben nagadala’g mga teyp, sa akong nasabtan, uban sa iyang asawa. Sila nagapangadto sa hi...hilit na nga mga dapit, didto sa mga kabukiran, ngadto sa mga kalasangan, ug ilang ginapatukar kining mga teyp ug mosaysay diha sa mga teyp. Sa makadaghang panahon sila ginapagula, gipagawas, gipapahawa. Kita nagadahum niana. “Kay ang tanan nga nagakinabuhi sa pagkadiosnon diha kang Cristo Jesus magaanos sa mga paglutos.”

<sup>33</sup> Pila ba dinhi ang nakaila kang Igsoong Ben? Pila ba ang nagatoo nga siya alagad sa Dios, [Ang kongregasyon nagaingon, “Amen.”—Ed.] takus niining panalangin nga atong pangayoon sa Dios alang kaniya? Kita n’yo, siya dili dumuloong. Siya uban na kanato sa mga katuigan ug mga katuigan. Ako siyang naila ingon nga tawong mapainubsanon. Siya sama kanako; siya nakahimo’g daghang mga sayup. Kitang tanan nagapanghimo man niana. Ang gigustohan ko lang bahin kang Igsoong Ben, siya andam sa pagkamang diha sa iyang mga tuhod aron tarungon kini.

Ug sa diha iyang nadungog, sa miaging adlaw, diha sa *Pagminyo Ug Pagbulag*, siya ug ang iyang asawa nangandam na sa pagbulag, tungod kay nga siya nahigugma kaniya, ug siya nahigugma pod kaniya, apan gusto nilang tumanon ang Pulong sa Dios. Bisan unsa pay igaingon sa Pulong, mao kana’y ilang gusto. Ako nagaampo nga ang Dios magapanalangin kang Ben ug sa iyang asawa, ngadto sa pagpamuhat alang Kaniya.

Ipondong nato ang atong mga kamot sa atong igsoon.

<sup>34</sup> Minahal nga Dios, among ginapandong ang among mga kamot sa among Igsoong Ben, sa usa ka timaan nga kami nahigugma kaniya. Ug kami nagatoo, Ginoo, nga siya andam



mobuhat sa usa ka bulohaton alang Kanimo, aron igapadala uban niining mga teyp, sa pagpatukar nila taliwala sa pipila ka mga katawhan sa bukid sa halayong mga lugar diin tingali daghan kanamo ang dili gayud makaadto, apan bisan pa niana ang Mensahe kinahanglan magaabot sa tibuok kalibutan. Kami nagaampo nga Ikaw magapanalangin sa among igsoon, ug ihatag kaniya ang Imong Espiritu, ug hinaut nga Kini magaabot kaniya. Ug tultoli siya, ug giyahi siya ug ang iyang asawa sa ngadtong mga lugar diin nga tingali may usa ka kalag nga atua didto, ug ang mga pultahan dili pa maserhan hangtud nga kanang usa ka carnero nahipasulod na. Dili Ikaw mahimuot sa nobenta'y noybe. Ang. . . Matag ngalan nga anaa sa maong Libro kinahanglan mahipasulod. Tabangi sila, Ginoo, samtang among ginapandong ang among mga kamot diha kaniya, ingon nga ginapahiuban namo siya ingon nga among igsoon. Ug ang among tabang ug pag-ampo alang kaniya, magauban kaniya. Ug among ginaampo nga Ikaw magapanalangin kaniya, Ginoo, sa bisan asa siya paingon. Sa Ngalan ni Jesus. Amen.

Panalanginan ka, Igsoong Ben! Ang tuong kamot sa pagpakigkauban among ginahatag kanimo, ingon nga mga ministrong igsoon. Ang Dios magapanalangin kanimo, igsoon.

<sup>35</sup> [Si Igsoong Earl Martin nagaingon, “Igsoong Branham, mahimo mo ba akong pandongan, ordinahan ako sa pagpamuhat ingon nga pastor?”—Ed.] Si John Martin . . . [“Earl.”] Earl.

Pila ba ang nakaila kang Earl Martin? Pila man ang nagatoo kaniya nga usa ka alagad ni Cristo? Siya nagaanhi kanato gikan sa. . . Sa akong pagtoo sa, sa una, gikan sa pundok sa Pentekostal, ug karon sa pagtoo ko siya nagapastor ug nagapamuhat ug usa ka kinaugalingong pamuhat.

<sup>36</sup> Ako nang naila si Earl nga maoy usa ka matuod nga alagad ni Cristo. Dili ko gayud mahikalimtan ang usa ka buhat, kadaghan na, apan diha sa usa ka buhat kauban si Earl. Akong nahinumdoman ang usa ka gabii nga sila mitawag kaniya sa dihang ako atua didto sa Dallas, Texas; o sa akong—akong pagtoo, dili, kadto'y. . . [Usa ka igsoong babaye nagaingon, “Beaumont.”—Ed.] Beaumont, Texas, husto, igsoon. Ug sila—sila. . . Ang iyang bata nagboy-od, himalatyon na, ug sila naghunahuna nga kini patay na. Wala na kini nagaginhawa pa. Ug si Earl nahimo niya ang pag-adto sa akong lawak, ingon nga usa ka papa, nagaluyloy ang mga abaga, mitikubo sa atubangan nako, samtang ako anaa sa higdaanan. Sa pagbangon; iyang gibutang ang iyang mga bukton palibot nako ug miingon, “Igsoon, ako nagatoo nga ikaw usa ka propeta sa Dios. Sa una pa ako nang gitooan kana. Ug kon imo lang igasulti ang pulong, bisan pa'g ang akong bata patay na, sa gihapon kini mabuhi.” Ug ang iyang bata nabuhi, ug buhi.

<sup>37</sup> Nagatoo ba kamo nga siya takus alang sa tuong kamot sa pagpakig-kauban niining mga magtotoo? [Ang kongregasyon nagaingon, “Amen.”—Ed.]

Magaampo kita, mga igsoon, samtang ato siyang pandongan sa mga kamot.

<sup>38</sup> Maloloy-on nga Langitnong Amahan, kami nagapandong sa mga kamot, pag-usab, diha sa among Igsoong Martin. Kami nagapadala kaniya, Ginoo, ngadto sa kinatumyang mga bahin nga Imong gikatudlo nga angay niyang pagaadtoan; sa bisan pa asa kini, daghan man o madiyutay, sa magagmay’ng mga dalan, sa mga dagkung dalan, mga alihanan, kon kini man mahitabo. Bisan asa man kini, Ginoo, hinaut nga ang Imong mga panalangin magauban kaniya. Among ginapandong ang among mga kamot diha kaniya samtang among ginahatag kaniya ang Imong kusog ug ginahatag kaniya ang among mga panalangin, nga ang Espiritu nga ania kanamo, Ginoo, hinaut nga magauban kaniya, ug magatultol kaniya ug magagiya kaniya ngadto sa nawalang mga kalag sa kakoralan ug mga kadalanan. Amo siyang ginapadala, sa Ngalan ni Jesus Cristo. Amen.

Ang Dios magapanalangin kanimo, Igsoong Martin. Lakaw karon, ug ang Ginoo magauban kanimo.

<sup>39</sup> Alang ba sa mao gihapong katuyoan? [Si Igsoong Richard Blair nagasulti kang Igsoong Branham—Ed.] Richard ba ang imong ngalan? [“Oo. Richard Blair.”] Pila ba ang nakaila kang Richard Blair? Pila ba ang nagatoo kaniya nga usa ka alagad sa Dios? Siya nagagikan sa—sa pundok sa United Pentecostal nga iglesia.

Ug si igsoon, si Igsoong Blair, akong nahinumdoman ang usa ka dakung pagtawag, sa iya. Akong mahinumdoman ang panahon nga si Igsoong Blair dili buot, dili gusto’ng motoo kanako, tungod kay adunay espiritu nga nagalihok diha kaniya, nagasulti kaniya nga ako mini. Ug samtang nga siya nagalingkod mismo sa maong panagtigum, ang Balaang Espiritu miliso ug gitawag kini pahigawas. [Si Igsoong Blair nagaingon, “Tinuo kana.”—Ed.] Ug siya anaa na gayud halos sa usa ka—usa ka pagkahugon, ug mao kana’y naghatod kaniya nianang kahimtanga.

Ug akong mahinumdoman ang iyang mapahimut-anong asawa nagatawag kanako usa niana ka adlaw. Siya miingon, “Igsoong Branham, sa pagtoo ko si Richard mamatay na.” Ug siya adunay, sa pagtoo ko, usa ka baliog. Siya miadto ug gipahimutang kini sa ibabaw niya, sama sa akong gihangyo kaniya, ug nag-ampo. Ania siya karon. [Si Igsoong Blair nagaingon, “Amen.”—Ed.]

<sup>40</sup> Adunay usa ka gamay’ng bata ang naaksidente, o... [Si Igsoong Blair nagaingon, “Ang akong anak nga lalaki.”—Ed.] Iyang bata, diha sa usa ka aksidente, nga sila wala na’y igong

paglaum niini, sa pagkatay-og sa utok. Ug pinaagi sa pag-ampo, bisan sa telepono, ang bata naayo. [“Amen.”]

Nagatoo ba kamo nga si Igsoong Blair usa ka matuod nga saksi ni Cristo? [Ang kongregasyon nagaingon, “Amen.”—Ed.] Pag-ampo kamo nga ang inyong mga pagpanalangin magauban kaniya.

Mga igsoon, ipandong ang inyong mga kamot diha kaniya.

<sup>41</sup> Minahal nga Dios, sa pag-ila sa among maabiabihon ug bililhon nga igsoon, ang Imong alagad, nga bisan pa nagagikan sa iyang kaugalingong pundok, aron sa paglakaw diha sa Kahayag. Amahan, kami nagaampo nga Ikaw magapanalangin sa among Igsoong Blair, maingon nga kami nagapadala kaniya uban sa among mga pagpanalangin ug sa among pagpamatuod, pinaagi sa pagpandong sa among mga kamot diha kaniya, ngadto sa bisan asa nga Ikaw magatawag kaniya, Ginoo, ngadto sa bisan unsa man nga bulohaton kini. Hinaut nga ang Imong Espiritu magauban kang Igsoong Blair. Tultoli siya ug giyahi siya ngadto sa mga nawala ug nanghimalatyon na ning kalibutana, nga siya hinaut makatabang sa pagpangita nianang nawalang carnero, nga mapahibalik niya kini ngadto sa panon. Bisan unsa pa man kini, bisan unsa man ang gikatagana Mo na kaniya, Ginoo, amo lang ginahangyo nga ang Imong Espiritu maoy magatultol kaniya ug magagiya kaniya sa tibuok panaw sa iyang kinabuhi. Iya kaming mga igsoon. Sa paghatag kaniya sa tuong kamot sa Pagpakig-kauban, among gipangayo Kanimo ang pag-uban kaniya, sa Ngalan ni Jesus Cristo. Amen.

Ang tuong kamot sa pagpakig-kauban! Ang Dios magapanalangin kanimo, Igsoong Blair. Kami uban kanimo, usa ka gatus ka porsyento, magaampo alang kanimo ug buhaton ang bisan unsang mahimo aron sa pagtabang kanimo. Ang Dios magapanalangin kanimo.

<sup>42</sup> [Si Igsoong Merlin Anthon nagaingon, “Mao usab kanako, Igsoong Branham, alang sa pag-ordina.”—Ed.] Unsay ingon? [“Pag-ordina.”] Kinsa ka gani? [“Merlin Anthon.”] Si Merlin Anthon. [“Ania ako sa iglesia.”] Asa? [“dinhing iglesia.”] Sa iglesia. Aduna bay nakaila kang Igsoong Merlin Anthon? Bag-o siya, alang kanako. [“Diha sa Salvation Army. Nakahinumdom ka ba kanako?”] Oh, oo. Pasayloa ko, igsoon.

Gikan sa Salvation Army, tinuod kana, akong nahinumdoman siya. Tinuod, ako nakaila na kaniya karon. Ako lang. . . Wala ko maila ang iyang nawong ganina, niining higayona. Pila man ang nakaila kaniya nga usa ka tawo sa Dios? [Ang kongregasyon nagaingon, “Amen.”—Ed.] Pila man ang nagatoo nga—nga ang Dios nagapamuhat uban kaniya, iisa ang inyong kamot. [“Amen.”] Magaampo ba mo alang kaniya? [“Amen.”]

<sup>43</sup> Karon, igsoon, kami nasayod nga ikaw nagagikan sa usa ka dakung pundok sa katawhan, sa Salvation Army, sila usa ka inilang mga katawhan. Apan, ug, apan ang Salvation Army nagapamuhat sa dagkung bulohaton diha sa kadalanan. Kita walay bisan unsa nga masulti batok sa Nazarene, sa iglesiang Pentecostal, o sa Salvation Army, o ni bisan kinsa kanila; sila atong mga kaigsoonan. Apan, nakita ninyo, kita nagatoo nga kita mga tigdala sa usa ka dakung Mensahe alang niining panahon mismo nga atong ginapuy-an. Gusto mo bang himoon kana uban kanamo? [Si Igsoong Anthon nagaingon, “Amen.”—Ed.]

Atong iduko ang atong mga ulo samtang atong ginapandong ang atong mga kamot sa atong igsoon.

<sup>44</sup> Minahal nga Langitnong Amahan, Ikaw ang maong Usa nga nagahimo sa pagtawag. Ikaw ang maong Usa nga nagahatag ug kinabuhi sa Pulong, aron nga sila mahimong motoo. Ug among ginapandong ang among mga kamot sa among bililhong igsoon, ingon nga usa ka pagpamatuod nga kami nagatoo nga Ikaw anaa kaniya ug magatabang kaniya. Among ginapadala ang among mga pagpanalangin kaniya, nga kami kinsa nagatoo nga kami nakalabang na gikan sa kamatayon ngadto sa Kinabuhi ug karon nagakupot na sa nagabuhing Gahum diha sa among mga kasingkasing, pinaagi sa grasya sa Dios. Kami nagapandong sa among igsoon ug nagapadala kaniya uban sa among mga pagpanalangin, nga Ikaw magapanguna kaniya ug magatultol kaniya ug magagiya kaniya ngadto sa matag suok sa yuta, Ginoo, nga Imong gikatagana na alang kaniya nga pagaadtoan. Hinaut nga ang Imong Espiritu magauban kaniya ug hatagan siya sa maayong panglawas, kusog, ug paglambo sa iyang pagpangalagad, kay kami nagapadala kaniya sa Ngalan ni Jesus Cristo. Amen.

<sup>45</sup> Ang Dios magapanalangin kanimo, igsoon. Mao kana’y tuong kamot sa pagpakig-kauban, nahibalo na mo, ang mga igsoon nagapanglamano kaniya, ingon-ana ang managsoon. Busa mao kana ang inyong . . . Sige, ang Ginoo magapanalangin kaninyong tanan.

<sup>46</sup> [Si Igsoong Carrell nagaingon, “Ako—ako wala pa gayud, ingon nga opisyal. Gusto ko kanimo nga pandongan ako sa imong mga kamot, maingon kanila, sa Ngalan ni Jesus.”—Ed.] Ikaw, sumala sa kon unsa may imong gusto. Ug ang imong . . . [“Panahon na, ug parehas kanila.”] Karon kinsay imong ngalan? [“Igsoong Carrell, gikan sa Cincinnati.”] Si Igsoong Carrell.

[Si Igsoong Carrell nagaingon, “Ako usa ka ordinadong ministro, apan dili ako makauyon sa igsoon nga nagapang-ordina sa kababayen-an nga mamahimong mga ministro, ug ako gikinahanglan nga mobulag gikan niini.”—Ed.]

Kini mao si Igsoong Carrell gikan sa Cincinnati. Aduna bay nakaila kang Igsoong Carrell, iisa ang inyong . . . Ingon nga gikan

sa Cincinnati, duda ko, nga may nakaila. Siya nagaingon nga kaniadto uban siya sa usa ka pundok, ug ang maong pundok gustong mag-ordina sa mga ministro nga mga babaye. Dili niya mauyonan kini, ug gikinahanglan niyang mohawa gikan kanila.

Mao gayud kana'y tukma ang akong paghawa gikan sa Missionary Baptists. Si Doktor Roy E. Davis, pila ba gayud ang nakadungog na kaniya? Sigurado, inyong nadunggan, kita n'yo. Gusto niyang mag-ordina ug pipila ka mga babaye nga magwawali, ug ako miingon, "Dili, sir. Ingon nga usa ka anciano," ako miingon, "Dili ko mabuhat kana, sa pagkaamgo. Supak kini sa Pulong sa Dios."

<sup>47</sup> Wala ako makaila kanimo, Igsoong Carrell. Apan sa sukaranan sa imong pagpanghimatuod, ug nianang Kamatuoran nga imong ginabarugan. . . Wala man kitay batok nianang mga kababayan-an. Sila mga igsoong babaye. Ato silang gihigugma. Apan kita nagatoo nga sila adunay ilang dapit, ug niana sila magapabilin. Kita n'yo? Ug kita nagatoo nga sila maoy usa ka minahal ngadto sa lalaki, usa ka katabang. Ug dili gayud. . . Atong gitoohan nga sila maoy pinakadakung gasa, gawas sa kaluwasan, nga gikahatag gayud sa Dios ngadto sa lalaki. Apan siya walay bahin sa pulpito, sumala sa Pulong sa Dios. Diha nianang sukaranan, ug sa imong pagtoo ngadto sa Dios, kami magapandong sa mga kamot diha kanimo, ingon nga kakuyog, sa pagpakig-uban kanamo.

Atong ipandong ang atong mga kamot diha kaniya.

<sup>48</sup> Among minahal nga Langitnong Amahan! Niining batanon nga lalaki, ako gayud mahibaloan kon unsa ang iyang ginabati. Siya nahipagawas tungod sa maong mga Kamatuoran. Nga, "Ang tawo mabuhi dili sa tinapay lamang, kondili sa matag Pulong." Busa kami nagapandong kaniya, nagapahiluna sa among mga panalangin diha kaniya. Hinaut nga ang Imong Espiritu magapanguna kaniya, magatultol kaniya, ug magagiya kaniya sa tibuok panaw sa kinabuhing ngadto sa bisan asa nga Imong ipadala siya, Ginoo. Ipakisayod kaniya nga kami nagaampo alang kaniya, ug mahimong tabang kaniya, ug mosuporta kaniya samtang nga siya magabarug alang sa Kamatuoran. Itugot kini, Ginoo. Kami nagapadala kaniya, sa Ngalan ni Jesus Cristo. Amen.

Ang Dios magapanalangin kanimo, Igsoong Carrell.

Inyo lamang ipandong silang mga kamot, ang mga uban pa. Tanan kamo ihatag ang ingon nga mga tuong kamot sa pagpakigkauban alang niana.

<sup>49</sup> Si Igsoong Ruddell, dinhi, wala pa gayud opisyal nga nordinahan dinhi sa iglesia. Maka. . . Pila ba ang nakaila kang Igsoong Ruddell? [Ang kongregasyon nagaingon, "Amen."—Ed.] Kitang tanan nakaila na kaniya. Pila ba ang nasayod nga siya usa ka tawo sa Dios? ["Amen."]

Minahal nga Langitnong Amahan, hinaut nga samtang ang Imong mga anciano nagapandong sa mga kamot niining igsoon kinsa nahiadto na ngadto sa halalum, malapukon'g mga katubigan. Iyang nakita ang iyang kongregasyon nga nangahulog. Iyang nakita ang tanan nga nahitabo, apan mitoo sa gihapon. Bisan pa sa...?...Among ginapandong ang among mga kamot diha kaniya, ug ginatunol ang among mga pagpanalangin ngadto kaniya. Dihogi siya, Ginoo, sa makusganon gayud, uban sa Pulong, ug ipadala siya ngadto sa matag suok sa yuta!...?...hinaut nga maanaa kaniya ug tabangan siya. Ug ipadala siya, sa Ngalan ni Jesus Cristo. Amen.

<sup>50</sup> Igsoong Ruddell, daan na kang adunay tuong kamot sa pagpakigkauban. Ako nakaila kang Igsoong Ruddell. Daw sama—sama sa akong kaugalingon nga anak nga lalaki. Ang iyang papa ug ako, mama, magkaila na daan sa usa'g-usa sa taas nang panahon. Ug ako nakaila na kang Igsoong Ruddell nga usa ka alagad sa Dios. Ako nakapangalagad uban kaniya. Ang Dios magapanalangin kanimo, Igsoong Ruddell.

<sup>51</sup> Unsay iyang ngalan? Kinsa ka gani, igsoon? [Adunay nagaingon, “Bayaw ni Igsoong Martin.”—Ed.] Igsoong Martin, nakaila ka kaniya, ni Igsoong Martin?

Unsay imong ngalan? [Ang igsoon nagaingon, “Rev. McComas.”—Ed.] Igsoong McComas. Siguro walay usa dinhi nga nakaila kaniya, apan siya usa ka...Oo, kining tawhana dinhi nakaila kaniya, si Igsoong Tyler. Ug siya mianhi aron nga ma...mapandongan siya sa mga kamot, nga siya mamahimong usa ka tigdala sa maong Maayong Balita. Igsoong McComas, diin ka ba nagagikan, Igsoong McComas? [“Rockford, Illinois.”] Rockford, Illinois. [“Ikaw mitawag sa akong panimalay, sa miaging semana, o sa miaging Lunes sa gabii, ug nag-ampo alang sa akong asawa.”] Oh, husto ba kana? Gikan sa Tucson. [“Tucson, Arizona.”] Oh, ako na karon nahinumdoman ang maong tawag. [“Siya nakabangon sa pagkasunod buntag.”] Dalaygon ang Ginoo!

[Si Igsoong Martin adunay ginasulti kang Igsoong Branham—Ed.] Unsay ingon? [“Akong kinamanghuran nga igsoong babaye.”] Imong igsoong babaye. [“Nia siya dinhi karon. Naparalisis siya kaniadto.”] Mao nga, siya nia dinhi karon, nga naampoan na, sa miaging gabii, gikan sa Tucson, pinaagi sa telepono. [“Naparalisis.”] Par-... [“Siya naparalisis, ug siya ania na dinhi karon.”] Siya kanhi naparalisis, sa pipila ka mga gabiing nanglabay, ug siya nia na karon dinhi. Si Igsoong Martin nahibalo niini, higala. Dili ikatingala nga gusto niyang dad-on ang Mensahe!

Kita magapandong sa mga kamot, mga igsoon.

<sup>52</sup> Minahal nga Dios, akong ginapandong ang mga kamot, kauban niining uban pa, diha sa Imong alagad, ug ginahatag

kaniya ang tuong kamot sa pagpakigkauban, nagaampo nga ang mga panalangin sa Dios maga...?... [Ang mga panulti ni Igsoong Branham dili madunggan kaayo—Ed.]...?... nga Ikaw nagtudlo na kaniya nga mahimong ingon-niini. Ang Imong panalangin maanaa kaniya, ug tultoli siya ug giyahi siya, sa Ngalan ni Jesus Cristo. Amen.

Ang tuong kamot sa pagpakigkauban, akong igsoon, ug sila nga makauban nimo. Ang Dios magauban kanimo.

<sup>53</sup> [Adunay usa nga nagaingon, “Igsoong Branham?”—Ed.] Oo, igsoon? [“Aduna pa ko’y usa nga gusto usab niini.”] Sige, sir. Gitooan ko nga kini mao si... [“Igsoong Darris.”] Igsoong Darris. Wala ako... [“Ako nakaila kang Igsoong Earl ug Igsoong Brewer.”] Kining lalaki mao si Igsoong Darris. Taga-asa ka ba, igsoon? [“Black Rock, Arkansas.”] Black Rock, Arkansas. Igsoon... [“Kaila ko siya, igsoon.”]... nailhan siya. Aduna pa, sa pagtoo ko, dinhi, nag-ingon... Si Igsoong Brewer. Nagtoo ko nga ako nang nakatagbo sila, ning buntaga. Ug—ug si igsoong babaye nga Vayle, siguro, si Igsoong lalaking Vayle, ug kanila nga nakaila kaniya, ug nakaila kaniya nga usa ka tawo sa Dios, usa ka alagad sa Dios. Pagkamaanindot!

<sup>54</sup> Bueno, karon, akong mahal nga igsoon, ingon nga usa ka tigdala sa Mensahe, gusto namong ipahibalo kanimo nga kami magapaluyo kanimo, pagabuhaton ang tanan nga among mahimo. Magaampo kami alang kanimo, nga ikaw usab magadala niining Mensahe ngadto sa kinatumyang mga bahin sa kon bisan asa may gikatudlo na sa Dios nga imong pagaadtoan.

Atong ipandong ang atong mga kamot sa atong Igsoong Darris.

Mahal nga Dios, among ginapandong ang among mga kamot sa among igsoon, ginahatag kaniya ang tuong kamot sa pagpakigkauban, ug ginapadala siya sa Ngalan ni Jesus Cristo, nga Ikaw magadihog kaniya. Ug...?...ihatag kaniya ang tuong kamot sa pagpakigkauban!...?...Ug ang Imong Espiritu magauban kaniya, ug tultolan siya ug giyahan siya, sa Ngalan ni Jesus Cristo. Amen.

Ang Dios magapanalangin kanimo, igsoon.

<sup>55</sup> Ako—ako nagatoo, ni Igsoong Anthony. Daghan kaninyo ang nakaila kang Igsoong Anthony. Siya kauban na nato dinhi sa taas na nga panahon. Ako nasayod kaniya nga usa ka alagad ni Cristo, ako mismo. Ako nagatoo nga siya usa ka matugyanong batan-on nga lalaki. Siya wala pa gayud opisyal nga napandongan sa mga kamot. Siya wala masayod nga kini moabot, mga higala. Kita n’yo? Apan sa pagkakaran mismo sama ra sa uban pang panahon. Busa kita magapandong sa mga kamot kang Igsoong Anthony ug ihatag gayud kaniya ang tuong kamot sa pagpakigkauban. Ang Dios maoy kinahanglan magahimo sa pag-ordina. Kini mao lamang ang pagpakisayod

kaniya, ug nasayod na kamo, nga kita nagatoo niining igsoona ug kita nahigugma kaniya, ug siya uban kanato, sa Mensahe. Ug gusto nato siyang makabaton sa mga panalangin sa Dios, ug mao kana'y atong ginapangayo alang kaniya. Mag-ampo ta, samtang atong ipandong ang atong mga kamot, sa igsoon.

<sup>56</sup> Minahal nga Dios, niining mapaubsanon'g gamay, nga Italyanong alagad Nimo, Ginoo, nagaanhi ning gabhiona, aron nga—aron siyang mapandongan sa mga kamot, ug ang tuong kamot sa pagpakigkauban opisyal gayud nga mahiabot diha kaniya, gikan sa iglesia. Ginoo, sa Imong dakung Gahum ipadala kining batan-on nga lalaki ngadto sa bahin sa yuta ug sa gawang nga Imo siyang gitawag sa pagpaadto kaniya. Ug hinaut nga siya mosangyaw ug ipahigawas silang mga tawo gikan sa sala ug balatian, ug sa pag-alagad Kanimo, Ginoo, sa tanang mga adlaw sa iyang kinabuhi. Hinaut nga Ikaw magapanguna kaniya, magatultol kaniya. Hinaut nga ang among mga pagpanalangin magauban kaniya, sa dihang amo siyang ginapadala, sa Ngalan ni Jesus Cristo. Amen.

Ang Dios magapanalangin kanimo.

<sup>57</sup> [Adunay nagasulti kang Igsoong Branham—Ed.] Huh? Oh, wala ko mahibalo. Nakakonekta kita sa telepono; singkwenta sentimos kada minuto. Aduna pa bay usa dinhi nga gusto . . .

Pag-anhi dinhi ug isulti ang inyong mga ngalan, kon kinsa man kamo, mga igsoon, sa mikropono lang *dinhi* sa itaas. Isulti lang kanila. [Ang matag-igsoon nagasulti sa iyang ngalan, “Pat Tyler,” “Claude Boggess,” “Dale Potter,” “. . .? . . . Henasey,” “James Humes,” “Earl Horner.”—Ed.] Sila na ba kana? [Adunay nagaingon, “Oo.”] Akong mga igsoon.

Sa niining mga tawhana, nagatoo ba mo niining Mensahe nga maoy Kamatuoran gikan sa Pulong sa Dios? [Ang mga igsoon nagaingon, “Amen.”—Ed.] Inyo bang ginatoohan kana sa tibuok ninyong kasingkasing? [“Amen.”] Sige. Ug kamo matinguhaon, ug nagapanghunahuna nga kon kami mopandong sa mga kamot diha kaninyo . . . Gusto namong ipahibalo kaninyo nga kami uban kaninyo, ug among pagabuhaton ang bisan unsa nga among mahimo sa pagtabang kaninyo.

Ug karon gusto ko kaninyo mga igsoon, aron ako makapandong sa mga kamot diha kanila usab, sa pagsaka dinhi karon. Ug kitang tanan magaduko sa atong mga ulo, samtang kita magapandong sa mga kamot kanila.

Minahal nga Dios, ania ang usa ka pundok sa tawo. Akong ginapandong ang akong mga kamot diha sa matag-usa kanila, sa Ngalan ni Jesus Cristo, ang Anak sa Dios. Ug hinaut nga Ikaw, Kinsa maoy nagtawag kanila nga mahimong mga ministro, nga hinaut sila magawali Niini, Ginoo, sa tanang mga adlaw sa ilang kinabuhi. Ug . . .? . . . igawali ang Maayong Balita ngadto sa matag binuhat. Among ginahatag kanila ang tuong kamot sa



pagpakigkauban, ug nagaampo nga ang Imong mga panalangin magauban kanila, Ginoo, samtang kami nagapanalangin kanila, ginapadala ang among mga pagpanalangin. Hinaut nga kini moabot ngadto sa matag kal-ang sa yuta nga Imo silang gitawag sa pagpaadto. Hinaut nga sila magapamuhat ug magaalagad diha sa katakus nga Imo silang gitawag. Hinaut nga sila maisogon ug magmatinud-anon nga mga alagad sa Dios. Itugot kini, Ginoo. Ug amo kining ginapangayo sa Ngalan ni Jesus Cristo.

<sup>58</sup> Ang Dios magapanalangin kaninyo, sa matag usa, mga igsoon. Ang Dios magapanalangin kanimo. Ang Dios magapanalangin kanimo, igsoon. Ang Dios magapanalangin kanimo. Ang Dios magapanalangin kanimo, Igsoong Humes. Ang Ginoo magauban kaninyo, sa matag-usa.

Panalanginan ang bugkos nga nagabugkos  
Sa atong mga kasingkasing diha sa  
Cristohanong gugma;  
Ang pagpakigkauban sa kaparehong  
hunahuna  
Sama nianang sa Kahitas-an.

<sup>59</sup> Di ba Siya kahibulongan? Hunahuna-a lang karon, pila ba ka mga ministro niining gabhiona nga napandongan sila sa mga kamot!

<sup>60</sup> Wala ako masayod nga kita nakakonekta na diay sa telepono. Kon ang mga tawo diha mopasaylo kanako tungod niana; wala ako masayod niini. Kita n'yo? Wala gayud ko masayod nga ila diay ikonekta kining diyutay'ng Mensahe niining gabhiona. Apan atong . . .

<sup>61</sup> Karon atong basahon ang Pulong ug mag-ampo, ug modiretso niining Mensahe nga akong gibati nga buot sa Balaang Espiritu nga dalhon ko kaninyo ning gabhiona.

<sup>62</sup> Ug karon samtang atong paklion balik ang . . . alang sa maong teksto, ipahibalo ko kini sa kadali. Atong paklion sa Numeros, sa ika-22 nga kapitulo, bersikulo 31. Numeros 22:31, alang sa usa ka teksto. Samtang inyong ginapakli, kon gusto ninyong basahon, basahe kini o timan-i kini.

<sup>63</sup> Gusto ko kaninyong tanan nga hinumduman ako karon, hangtud nga makita ko kamo pag-usab, ako nagalaum, usa ka panahon niining ting-init, kon itugot sa Ginoo. Ug kong unsa may mahitabo, dili ako makaadto sa gawas sa nasud, ako magabalik. Apan karon nagatoo kita nga, kon unsa ang tanan niini nga nagpanglihok, nga ang Balaang Espiritu magapadala kanato karon diha sa pamaagi nga Iyang gipili sa Iyang Kaugalingon sa pagpadala kanato. Ug sa ingon nianang paagi nga gusto natong buhaton kini. Ang Ginoo magapanalangin!

64 Amahan, kami magabasa na karon sa Imong Pulong. Magapanalangin Ka Niini ug magadihog Ka Niini sa among pagsabot, among ginapangayo sa Ngalan ni Jesus Cristo. Amen.

65 Sa Libro sa Numeros, sa ika-22 nga kapitulo ug sa ika-31 nga bersikulo.

*Unya gibuka sa GINOO ang mga mata ni Balaam, ug nakakita siya sa manulonda sa GINOO nga nagtindog sa dalan, nga may espada nga linaas sa iyang kamot: ug siya miyukbo, ug miduko.*

66 Karon, sa pagbasa niini, aron sa paghimo'g usa ka kinatibuk-ang kahulogan niini, gusto kong pagadad-on ang hisgotanan: *Ginausab Ba Gayud Sa Dios Ang Iyang Hunahuna Bahin Sa Iyang Pulong?*

67 Igoigo gayud kana nga teksto, ug kini usa ka dakung Kamatuoran nga angay natong sabton. Ang Dios ba makasulti sa bisan unsang butang ug unya magaingon, “Pasayloa Ko nga akong naingon kini”? Mabakwi ba sa Dios ang Iyang Pulong, human nga Iya nang nasulti Kini?

68 Karon, niining pahayag dinhi, ang hinungdan nga akong gipili kining maong pahayag, tungod kay kini usa sa mga pahayag sa Biblia nga ang usa ka magbabasa, nagapaninguha sa pagpangita, o nagsulay pag-ingon nga ang Dios nagausab gayud sa Iyang hunahuna; kini mao ang mahimong daw sa mas Iyang giusab ang Iyang hunahuna kay sa ubang bahin diha sa Biblia, nga akong nahibaloan, tungod kay Iyang gisultihan si Balaam sa usa ka butang ug unya misulti kaniya ug lain. Ug karon, kadaghan sa mga tawo nagsulay paghimo kang Balaam ingon sa usa lang ka, oh, usa ka mananag-an o kong unsa man. Apan si Balaam dili usa ka mananag-an. Siya maoy usa ka propeta sa Ginoo.

69 Karon, ato daw'ng ilatid sa Mensahe, una. Ang Israel atua kaniadto sa ilang panaw gikan sa Pales-. . . paingon sa Palestina, nga nagagikan sa Egipto. Ug ang Ginoo nagauban kanila, ug sila. . . Ang matag kaaway nga mibarog sa atubangan sa Israel gipangpahawa sa dalan, kay ang Dios miingon nga Siya magapadala sa mga tambubooan sa atubangan nila ug magaabog sa kaaway, samtang nga sila naglakaw diha sa pagkamasinugtanon sa Iyang sugo. Ang bulohaton dili gayud kaayo daku. Ang mga Amalekanhon, ang mga higante sa maong adlaw, walay bali sa Israel. Bisan sila gagmay'ng tawo sa pamarug, apan sila nagalakaw diha sa MAO KINI ANG GINAINGON SA GINOO. Busa walay sapayan kon unsa man kaniadto ang kabatok, ang Dios kanunay'ng gilantaw nga ang Iyang mga Pulong sa saad wala gayud gipakyas ang Israel.

70 Ang Israel sa Daang Tugon maoy tipo sa Pangasaw-onon sa Bag-ong Tugon, nagagawas sa—sa kalibutan, nagamartsa

diha sa dalanon paingon sa Canaan, o ang Canaan nga atong pagaadtoan, ang Milenyum.

<sup>71</sup> Karon, karon, atong namatikdan nga ang Moab dinhi maoy tipo sa iglesia. Ug ang Moab . . . Bag-ohay pa lang nila gipamatay ang pipila ka mga hari ug gipangparot ang kaaway, gipangpatay ang tanan, gipanag-iya ang maong yuta, ug misaka palabay sa Moab. Karon, ang Moab dili gayud usa ka pagano nga nasud. Ang Moab usa ka nasud nga nag-alagad sa mao ra nga Dios nga gi-alagaran sa Israel. Ug ang yuta sa Moab sa kinasugdanan gisugdang diha sa anak nga lalaki ni Lot, sa iyang kaugalingong anak nga babaye. Ug siya, ingon nga magtutukod niining maong nasud, ug naorganisar ang iyang mga kadagkuang mga tawo ug uban pa, ug gihimo ang usa ka dakung nasud gikan niini, ug sila nagkadaghan ug naglambo.

<sup>72</sup> Ug, karon, ang Israel maoy binhi ni Abraham, dili kang Lot. Ang Israel migawas kang Isaac, kang Jacob. Ug ang Israel nagsumikad gikan niadtong dose ka mga banay gikan ni Jacob, nga sa kaulahiay gitawag “Israel,” tungod kay siya nakigbugno sa Ginoo. Ug ang Moab dinhi . . .

<sup>73</sup> Karon, diha niini, ug kamong katawhan diha sa—diha sa mga telepono, gusto ko unang isulti nga ako—ako wala nagatinguha nga mahimong masinawayon, ug malaumon ko nga ako dili. Apan, ang Mensahe nga gikahatag kanako, kinahanglan magmatinud-anon gayud ako nianang Mensahea, o mahimo akong usa ka tigpakaaron-ingnon. Kita n’yo? Ako—ako dili makasulti’g sobra ngadto sa kon unsa may gipadala ako aron sa pagsulti.

Ug ako—akong ginahunahuna nga ang dakung kaaway sa Cristohanong katilingban ning panahona mao ang giorganisar nga mga iglesia. Ako gayud ginatooan sa tibuok kong kasingkasing nga kini sa kaulahiay moporma ngadto sa marka sa mapintas nga mananap, nga mahimo kong, nga mapamatud-an kana sa akong pagtoo pinaagi sa Biblia uban sa tabang sa Dios. Ako nang nahimo kini. Nga, kini moporma ngadto sa marka sa mapintas nga mananap, diha sa katipuntiponan sa mga kaiglesiahanan. Tungod kay, ang Dios wala gayud, sa bisan unsang panahona, miila man lang sa usa ka ordinadong iglesia, giorganisang iglesia, wala gayud. Wala gayud Niya gibuhat kini.

Ug sa matag panahon nga ang tawo nagtukod ug organisasyon, ang Espiritu sa Dios mibiya niini ug wala na gayud mibalik pag-usab. Pangutan-a ang si bisan kinsang magsasaysay, o kamo mismo tingali usa ka magbabasa. Wala gayud! Sa dihang sila nag-organisar, gipahimutang kini sa Dios diha sa panang-atan, ug mao kana’y napadulngan; kini nagpabilin na, sukad niadto. Sila nanaglambo sa mga miyembro, apan wala gayu’y pagpukaw sa Espiritu; wala gayud, wala na.

<sup>74</sup> Ang Moab, dinhi, maoy usa ka ingon nianang tipo, tungod kay sila usa—usa ka giorganisa nga nasud; sa ilang kaugalingong yuta, sama sa ilang denominasyon. Ug didto adunay ilang kaugalingong mga relihiyon, ug ang ilang relihiyon mao ra nga relihiyon nga aduna ang Israel. Sila ang mga Moabihanon ug nagtoo sa Jehova nga Dios, apan sila usa ka giorganisang pundok sa mga tawo.

<sup>75</sup> Ug, karon, ingon nga sila nagarepresentar sa natural nga iglesia, ang Israel nagarepresentar sa espirituhanong iglesia diha sa iyang pagpanaw. Karon, ang Israel dili usa ka giorganisang nasud. Samtang nga sila nagsunod sa Dios, sila mga gawasnon. Sila mitungha, mga lumalangyaw, walay dapit nga mapaingnan. Bisan asa man ang Haligi nga Kalayo mipaingon, sila minunot Niini. Sila dili usa ka giorganisa nga nasud. Aduna sila'y organismo sa ilang taliwala, tungod kay ang sirkunsisyon maoy mihatag kanila niana ilalum sa sugo sa Dios, apan dili gayud nga usa ka giorganisang nasud niining panahona. Sa dihang sila sa katapusan nahimong usa ka giorganisang nasud, diha niana sila nahulog ug gisalikway ang ilang Mesias.

<sup>76</sup> Ug karon atong makaplagnan, kanunay, nga sa dihang kining natural ug espirituwal, nga mga espiritu sa kaiglesiahanan ug mga organisasyon, magkatagbo, may panagbingkil kanunay. Wala gayuy pagkapakyas. Kini kanunay'ng nagapanagbingkil. Tungod kay, atong makaplagnan nga diha adunay kasina. Ug diha, niining kasina, nagasangpot kini sa kalibutanong mga pag-indig-indig, mga pagsundogsundog. Ug atong makaplagnan kini niining panahona, maingon kaniadto. Sa diha ang Dios nagapamuhat ug usa ka butang alang sa usa, ang tanan nang tawo nagapaninguha pagsundog sama sa gibuhat sa Dios alang nianang tawhana. Kita n'yo, kini nagasangpot sa usa ka paglumbaay, ug kini nagapahinabo sa pagkakalibutanon. Ug dayon kung dili nila mahimo, ang sa pikas, makuha ang esprituhanong mga resulta, nan ilang kuhaon kini pinaagi sa politikanhong gahum, o ilang pulihan kini ug usa ka butang, aron pagpalibog sa mga hunahuna sa tawo, aron sa pagdani ug mga manununod ngadto kanila.

<sup>77</sup> Mao kana'y tukma gayud ang nahitabo sa kinasugdanan; maingon kang Cain ug Abel, ang duha ka mga lalaki dinhi sa ibabaw sa yuta. Ug sa dihang si Abel naghalad ngadto sa Dios ug labaw pa ka halangdong halad kaysa kang Cain, ug ang Dios mipamatuod kang Abel, pinaagi sa pagkunsad ug pagdawat sa iyang halad; kini nagpasina kang Cain, tungod kay siya nasina sa iyang igsoon, ug gipatay ang iyang igsoon.

<sup>78</sup> Kini misugod sa sinugdanan, nga sa diha ang natural ug ang espirituwal, labot pa si Cain ug Abel nagsimba sa mao ra nga Dios. Silang duha nagtukod sa mao rang matang sa mga halaran. Ug silang duha nagsimba sa mao rang Dios, sa mao rang iglesia, mao rang halaran. Apan si Cain, pinaagi sa

karnal nga pagpangatarungan, gidala pasulod ang mga prutas sa yuta ug gipahimutang sila sa halaran ingon nga usa ka halad, nagadahum nga sigurado kini maoy motubag sa Dios alang sa pagtabon sa sala. Mao nga iya gayung gidalit, maingon sa gihunahuna sa mga tawo karong panahona, “ang mga mansanas nga gikaon ni Adan ug Eva, nga maoy hinungdan sa sala.” Ug, unsa pa man, sa pagtoo ko karon nga ila na kining gihimo nga usa ka “pomegranate” o kon unsa na karon. Ang uban kanila miingon, dili pa dugay, nga kini usa ka kon unsa pa.

<sup>79</sup> Ug, apan si Abel adunay hustong halad. Siya nasayod nga usa ka dugo kadto ang nakapaingon niini, busa nagdala siya ug nating karnero. Ug sa diha nga ang Dios midawat sa iya, karon, si Abel, pinaagi sa pagtoo, pinaagi sa pinadayag, wala nay laing paagi. Kaniadto wala pay Biblia nga nahisulat. Busa, makita ninyo, ang sinugdanan sa pagkamatarung mao ang gipadayag nga Kamatuoran sa Dios, ug ang tibuok Iglesia sa buhing Dios natukod diha niana.

<sup>80</sup> Si Jesus, usa ka adlaw, sa nagalugsong gikan sa maong bukid, miingon sa Iyang mga tinun-an, “Sumala sa sulti sa tawo kinsa man kuno ang Anak sa tawo?”

“Ang usa miingon Ikaw si ‘Moises’ ug ang laing usa nagaingon Ikaw si ‘Elias’ ug Ikaw si ‘Jeremias, o usa sa mga propeta.”

Siya miingon, “Apan unsa may inyong sulti kinsa man Ako?”

<sup>81</sup> Dinha niana ang apostol nga si Pedro, dinihogan sa Dios, binuhi sa Espiritu, gilitok kanang talagsaong pamahayag, “Ikaw mao ang Cristo, ang Anak sa buhing Dios.”

<sup>82</sup> Matikdi ang pamahayag. “Bulahan ikaw, Simon, anak ni Jonas, unod ug dugo wala mipadayag kini kanimo. Ang Akong Langitnong Amahan ang nagpadayag niini kanimo. Ikaw mao si Simon. Ibabaw niining bato . . .”

Unsa nga bato? Karon, ang Katoliko nagaingon, “Diha kang Pedro, ang bato, gamay’ng bato.” Ug ang Protestante nagaingon, “Diha kang Cristo, ang Bato.”

Dili sa pagpakalahi; apan kini anaa diha sa maong pinadayag nga aduna kang Pedro, kon Kinsa Siya. “Walay tawong makahimo sa pag-ari Kanako,” miingon si Jesus, “gawas kon siya pagadanihon sa Akong Amahan. Ug ang tanan nga gihatag na Kanako sa Amahan moari gayud Kanako.”

“Ikaw mao si Cristo, ang Anak sa buhing Dios.”

<sup>83</sup> “Bulahan ikaw, Simon, anak ni Jonas; unod ug dugo wala mipadayag kini kanimo, kondili ang Akong Amahan nga anaa sa Langit. Ibabaw niining bato Akong pagatukoron ang Akong Iglesia, ug ang mga ganghaan sa kamatayon dili gayud makabuntog niini.” Espirituhanong pinadayag nga Pulong sa Dios!

<sup>84</sup> Matikdi, si Abel, pinaagi sa pagtoo sa Dios, mihalad sa labaw pa ka halangdon nga halad. Ug ang karnal nga magtotoo naghunahuna nga kadto maoy mga buhat sa iyang kaugalingong mga kamot, niana, ug sa iyang mga prutas ug sa iyang maanindot nga halad nga iyang gidala, nga pagailhon sa Dios, ug kini nakapahimo'g usa ka panagbingkil.

Atong makaplagaan nga si Abraham ug si Lot magapanagbingkil gayud.

<sup>85</sup> Atong makaplagaan nga si Moises ug—ug si Dathan, si Korah, adunay mao rang panagbingkil.

Si Moises, ingon nga usa ka ordinadong propeta nga aduna ang Pulong sa Ginoo, gipamatud-an nga siya pinili nga mamahimong ilang pangulo sa maong takna, ug niana si Abraham gisaad tanan niining mga butanga, ug ania si Moises gibuhat ang tukma gayud sa kon unsay giingon sa Dios niini nga mamahimo, mahitabo.

Ug si Korah, ingon nga karnal, gustong motukod ug usa ka organisasyon sa ilang taliwala. Gusto niyang mohimo'g usa ka pundok sa mga tawo. Ug ang Dios dili nagapakighinabi uban sa mga tawo'ng ingon niana. Kini nagapakita mismo diha, nianang Kasulatan, sa usa ka tipo sa pagpanaw ning panahona, nga ang organisasyon dili mao ang gikatudlo sa Dios. Kay, dihadhiha nga si Korah naghimo niini, miingon siya kang Moises, “Hilabihan mo nang gikinaugalingon ang tanan.” Sa laing mga pulong, “Ang tibuok kongregasyon balaan! Aba, imong ginaingon nga ikaw lamang ang balaang tawo. Wala kay katungod sa paghimo sa bisan unsa nga ingon niana. Gipaninguhaan mong pagpadaku sa imong kaugalingon. Balaan man kitang tanan. Mga anak man kita tanan sa Dios.”

<sup>86</sup> Ug si Moises mitalikod lang ug milakaw palayo. Siya miingon, “Ginoo, unsay akong buhaton?”

<sup>87</sup> Ang Dios miingon, “Ipahibulag ang imong kaugalingon gikan kaniya. Igo na kini Kanako.” Ug Iyang gipalamoy siya diha sa yuta.

<sup>88</sup> Kita n'yo, aduna ang panagbingkil. Sa diha nga ang karnal ug ang espirituwal nagakatagbo, sa kanunay adunay panagbingkil. Sa dihang si Judas ug si Jesus nagkatagbo, adunay panagbingkil; Ang usa, ang Anak sa Dios; ang laing usa, ang anak ni Satanas. Sama lang kang Cain ug Abel, adunay panagbingkil sa dihang sila nagkatagbo. Ang usa kanila tesorero sa iglesia, ug ang laing Usa pastor. Ug sama karon, kita nahiabot ning panahona, ngadto sa mao rang butang pag-usab. Ang karnal nga denominasyon ngadto sa espirituwal nga Pangasaw-onon ni Cristo. Ang espirituwal nga Pangasaw-onon ni Cristo lahi gayud kaayo kaysa karnal nga mga organisasyon, hangtud nga wala nay kapanagtandi kanila man lang.

<sup>89</sup> Karon himatikdi, ang natural kanunay ginapaninguhaan pagtipo ang espirituwal. Apan, maingon kang Jacob ug kang Esau, dili kini magpulos. Dili kini mohimo. Karon, kon sa paghimo ug maayong mga buhat, ako—ako nagatoo nga si Esau sa tinuod maoy usa ka mas maayong tawo kaysa kang Jacob, diha sa panan-aw sa tawo. Iyang gipaninguhaan sa pag-atiman ang iyang papa; iyang papa buta, usa ka propeta. Ug sa tanan niining mga butanga nga iyang gipaninguhaan pagbuhat, apan bisan pa niana si Esau wala maghunahuna bahin niana nga usa lang ka karnal nga buhat. Iyang gihunahuna nga makasulod siya pinaagi sa kon unsay iyang nabuhat, himoon ang butang nga maayo alang sa usa ka tawo, nga diin maayo man. Apan si Jacob, ang iyang kinatibuk-ang kalag mao ang sa pagkuha nianang pagkapanganay, ug mao kana kon unsa ang giila sa Dios diha kaniya nga espirituwal.

<sup>90</sup> Matikdi, ug kini ang kanunay nga hinungdan sa natural aron kapungtan ang espirituwal. Kini ang hinungdan nga si Cain naglagot kang Abel. Kini ang hinungdan nga si Korah napungot kang Moises. Kini ang hinungdan nga si Judas napungot kang Jesus. Ug sa sige-sige kini nagapadayon. Kini ang nagapapungot sa natural ngadto sa espirituwal, sama kang Cain sa sinugdanan napungot kang Abel, ang usa nga gigikanan sa gidawat nga halad sa Dios, ug nagapaninguha sa pagguba kanila.

Ilang ginapaninguha bisan pa gani sa pagguba sa impluwensiya. Ginapaninguhaan nilang gub-on ang matag butang, tungod kay wala nay lain kondili kasina. Kini nagsugod kang Cain ug napamatud-an nga kini sa kasina, ug kini sa gihapon mao rang butang ning panahona sa diha nga ang natural (ang karnal) ug ang espirituwal nagakatagbo. Kini nagapamatuod nga iya ni Satanas, wala nay lain, kay ang kasina nagagikan kang Satanas. Ug dayon nagasangpot sa usa ka pagsundog sa Kamatuoran, usa ka tawo nga magapaninguha pagsundog sa usa ka butang nga dili man mao, wala sila gikatudlo sa pagbuhat. Unsa na ka daghan niana ang atong nakita niining katapusang mga adlaw! Oh, sus, daw unsa na ka daghan niini!

<sup>91</sup> Busa atong makita nga ang Dios nagahimo hang-...dili gayud nagausb sa Iyang hunahuna bahin sa Iyang orihinal nga Pulong. Apan, kon kinsa man ang Iyang ginatawag, mao kana'y Iyang ginaordinahan. Wala nay uban pang makapuli nianang bahina. Walay usa nga makapuli ni Moises. Bisan pa'g unsa ka daghang mga Korah ang nanungha, ug unsa pa ka daghang mga Dathan; si Moises gayud, ang gitawag sa Dios, bisan pa man.

<sup>92</sup> Apan, ug kon ang mga tawo dili molakaw diha sa Iyang hingpit nga kabubut-on, aduna Siyay usa ka panugot nga kabubut-on diin diha Iya kamong pasagdan paglakaw. Himatikdi, Siya nagapahanugot niini, bueno, apan himoon Niya

kining mamuhat alang sa Iyang himaya, diha sa Iyang hingpit nga kabubut-on. Karon kon gusto kamong. . .

<sup>93</sup> Sama lamang, sa sinugdanan, dili kadto hingpit nga kabubut-on sa Dios alang sa mga anak nga matawo ibabaw sa yuta pinaagi sa pagpakighilawas. Dili, sir. Ang Dios nagbuhat sa tawo gikan sa abug sa yuta, gitayhopan siya sa ginhawa sa kinabuhi, ug siya nahimong usa ka buhing kalag. Siya mikuha gikan nianang lalaki ug usa ka katabang, ug naghimo'g usa ka asawa ngadto kaniya. Mao kadto'y una ug orihinal nga kabubut-on sa Dios. Apan sa dihang misulod ang sala ug gihimo ang butang nga gihimo niini, nan Iyang gitugutan ang tawo sa pagminyong ug usa ka asawa, sa balaodnon, ug sa pagbaton ug mga anak pinaagi kaniya. "Sumanay ug dumaghan kamo sa yuta, nan, kon mao kana ang pamaagi nga inyong buhaton kini." Apan, inyong makita, wala gayud kini sa Iyang hingpit nga kabubut-on.

<sup>94</sup> Busa, tanan niining mga butang nga may sinugdanan aduna gayuy katapusan. Ang tanang sala mosangpot gayud sa kalaglagaan. Ang tanang sala kinahanglan pagahanawon. Busa, diha sa dakung Milenyum sa dihang moabot na ang pagkabanhaw, kita dili na ipakatawo pag-usab pinaagi sa atong mga amahan ug mga inahan, apan ang Dios sama sa Iyang gibuhat sa sinugdanan pagatawag ang tawo gikan sa abog sa yuta, ug ang iyang katabang uban kaniya. Tinuod kana. Mao kana ang pamaagi nga Iyang gibuhat sa sinugdanan.

<sup>95</sup> Busa mao nga, ang Dios wala gayud nagausb sa Iyang hunahuna bahin sa bisan unsang butang, apan Iya kamong tugotan sa pagpadayon. Karon, hataas kini kaayo aron nga makuha ang unsay gusto kong isulti dinhi bahin niini. Apan, ug, apan, kini, inyong. . . Gusto kong masabtan ninyo kini. Kita n'yo? Ang Dios magatugot kaninyo sa paghimo ug usa ka butang, ug pagapanalanginan pa gani kamo sa pagbuhat niini, apan sa gihapon dili kini ang Iyang hingpit nga kabubut-on.

<sup>96</sup> Ang Dios nagtugot sa Israel sa pagpili sa kasugoan, diha sa Exodo sa ika-19 nga kapitulo. Sa dihang ang grasya mihatag na kanila ug usa ka propeta, sa Haligi nga Kalayo, sa usa ka halad nga carnero, sa usa ka gahum nga nagaluwas, apan sila nanagtaw pa alang sa usa ka Kasugoan. Dili kadto ang kabubut-on sa Dios, apan kini gisukip tungod kay gigusto sa tawo kini. Ug siya gitunglo pinaagi sa mismong kasugoan nga iyang gigusto.

<sup>97</sup> Pinakamaayo ang pagbaton sa kabubut-on sa Dios. Mao kana'y Iyang gitudlo kanato. "Ang Imong kabubut-on matuman. Paanhion na unta ang Imong Ginghamian. Ang Imong kabubut-on matuman." Ato kinahanglan itugyan ang atong mga kaugalingon ngadto sa Iyang kabubut-on ug sa Iyang Pulong. Ayaw pagduhaduha-i Kini. Toohi Kini. Ayaw pagsulay sa



pagpangita'g pamaagi nga makalusot Niini. Dawata lang Kini sa kon unsa lang gyud Kini.

Daghan kaayo ang gustong mopasikot-sikot pa, sulayan pa ang ubang pamaagi. Ug sa dihang inyong buhaton, inyo makita ang inyong kaugalingon nga pauswag, inyong makaplagan nga kamo ginapanalanginan sa Dios, apan kamo nagapamuhat diha sa Iyang panugot nga kabubut-on ug dili sa Iyang hingpit, Balaanong kabubut-on.

<sup>98</sup> Iyang ginapahanugot kini, sama sa akong giingon, apan dili Niya—Dili Niya himoon kini nga Iyang hingpit nga kabubut-on; apan Iya kining himoon ngadto sa pagpasidungog ug sa pagpanalangin sa Iyang hingpit nga kabubut-on. Ug ang pagpanganak, pinaagi sa pagpakighilawas, maoy usa sa niana.

<sup>99</sup> Karon himatikdi, ang Moab, sa sugod pa, usa na ka mansibadong nasud. Nagsugod kini nga, mansibado, labot pa pinaagi sa—sa usa ka magtotoong amahan ug usa ka magtotoong anak nga babaye.

Tukma gayud, kon imong itipo kana ug gamiton ang espirituwal nga panghunahuna, imong makita kanang denominasyon nga nagatindog didto ingon katin-aw sama sa bisan unsa. Tinuod. Kita n'yo, ang kinatibuk-ang butang sayup tanan. Ug, tan-awa, sa dihang kini nadala, misugod sa ingon niana, dili na gayud mahimo kini. . .Kini nagapadayon, sama sa usa ka bola nga niyebe, kini nagapadayon lang sa pagligid dugang ug dugang ug dugang. Makahimo ka'g usa ka sayup, ug magasugod nianang usa ka sayup, ug padayon ka na lang nga nagaligid ngadto sa usa pa ka butang human sa usa, ug usa ka butang sama sa uban pa, tanan nga nangsunod-sunod na.

<sup>100</sup> Ug sa ingon niana nagsugod ang iglesia. Sa ingon niana kini nagsugod sa Nicaea, sa Roma, sa diha nga ang Romanong Katoliko nga iglesia. . .Sa kinasugdanan, kon diin kini nagagikan, mao sa Pentecostes. Apan sa dihang ilang giorganisar ug gipasulod ang mga kadagkuang tawo, pasulod sa iglesia, sila nagsugod na sa paghimo'g, aduna nay mga pagpangadye, ug mga pagrosaryo, ug—ug pagpangampo alang sa patay, ug tanan pa niining ubang mga butang. Ug dayon kini misugod na sa pagligid, gikan sa usa ka sayup ngadto sa usa pa, usa ka sayup ngadto sa usa pa, hangtud tan-awa kon asa na kini nakapaingon. Wala nay usa nga ilhanan sa pentecostes niini, man lang. Kita n'yo? Kini usa ka sayup nga nagapunit sa usa pa, nagapunit sa usa pa. Aduna lamay usa ka butang nga pagahimoon, kana mao ang, paglimpyo sa maong listahan ug pagbalik sa kinasugdanan.

<sup>101</sup> Sa dihang, si Martin Luther misugod sa pagkamatarung. Kini angay na unta nga mahimong nag-uswag pa, nga iglesiang Lutheran. Kita n'yo? Kon. . .Si Luther, sa dihang iyang giorganisar, dili na niya madawat ang pagkabalaan ni Wesley,

tungod kay siya naorganisar na; ug ang mga tawo dili buot mobarog niini, mao nga ang Espiritu migawas niini.

<sup>102</sup> Karon, ang pundok ni Lot dinhi; o, si Moab maoy anak sa anak nga babaye ni Lot, anak na nga daan sa gawas. Karon himatikdi, ingon nga natural nga iglesia, ang Moab, nagarepresentar sa natural nga denominasyon.

Ang Israel nagarepresentar sa espirituwal nga Iglesia. Ang Israel, atua ang usa ka iglesia nga matuod, ang maoy pangasaw-onon niadtong adlaw, tinawag pagawas sa Egipto, ug gipamatud-an nga maoy kamatuoran.

<sup>103</sup> Himatikdi sa dihang sila, sila parehong nag-abot. Pareho silang naghalad sa mao rang halad, pareho nangtukod, sinigurado ang pito ka mga halaran, parehong nanghalad sa limpyong halad, lakeng baka. Ug bisan nanghalad pa gani sila ug mga lakeng karnero, nagapanghimatuod nga adunay moabotay nga Mesias. Sa sukaranan, silang duha parehas ra gayud. Ang Israel, ubos dinhi sa walog; Ang Moab, didto ibabaw sa bungtod. Ug ang Moab nga adunay pito ka mga halaran; ang Israel may pito ka mga halaran. Ang Moab nga dunay pito ka lakeng baka; ang Israel nga anaay pito ka lakeng baka. Ang Moab nga may pito ka mga lakeng karnero, nagahisgot sa moabotay nga Mesias; ang Israel nga adunay pito ka mga lakeng karnero.

Unsa may kalainan diha kanila? Sa sukaranan, parehong husto. Apan, inyong makita, ang Moab walay kapanghimatuoran sa Dios diha kanila; sila usa lamang ka nasud, usa ka pundok sa mga kadagkuan. Apan ang Israel may propeta diha kanila. Sila adunay gibunalan nga Bato uban kanila. Sila adunay Haligi nga Kalayo. Sila adunay tumbagang bitin, alang sa kaayohan. Sila adunay mga panalangin sa Dios nga nagaabay diha kanila, ug sila maoy tinawag nga mga anak sa Dios.

<sup>104</sup> Karon atong makaplagan kana nga hingpit gayud gitipo dinhi kanila nga mga iglesia ning panahona. Maingon, nga ang Moab dili sa ingon. Ang Israel usa ka maglalangyaw, gikan sa usa ka lugar ngadto sa usa ka lugar; kon asa man miirug kanang Haligi nga Kalayo, sila minunot uban Niini. Ang Moab, dili ingon-ana; sila nakapahiluna na diha sa ila mismong denominasyon, didto sa ila mismong nasud. Wala na sila mag-irug, nagpabilin na sila mismo diha. Sila adunay ilang mga kadagkuan. Sila nagpang-ordina na sa mga butang sa angay nilang pagahimoon, ug aduna nay ilang mga manggugubat, aduna nay ilang mga magbubugno, aduna nay ilang hari nga atua nila, nga gigikanan nila sa ilang mga sugo, ug uban pa.

<sup>105</sup> Apan nakita sa Moab ang Israel nga adunay butang nga wala diha kanila. Ilang nakita ang usa ka makusganong gahum sa taliwala sa Israel, ug kini mao ang usa ka propeta. Ug kadtong propeta mao si Moises. Ug sila nasayod nga sa dihang

ang gubat mipaingon sa dili maayo, ila lamang iisa ang iyang mga kamot ug kuptan sila paibabaw didto, ug ang gubat miusab. Busa wala sila'y ingon niana, busa ilang gipanguhaan paatbangan kini ug politika, uban sa usa ka politikanhong pagdani. Sila mipasugo ngadto sa laing nasud ug nagsuhol ug usa ka propeta aron moanha, aron magkaaduna sila'y propeta, ug magkaadunay gahum sa taliwala nila sama lang sa anaa sa Israel sa taliwala nila.

<sup>106</sup> Inyo bang nakita ang karnal nga pagpangindig-indig? Makita n'yo ba ang karnal nga iglesia karong panahona? Nahimo niini ang mao ra gayud nga butang.

<sup>107</sup> Himatikdi, karon, pareho silang magkaadunay mga propeta. Ang kalainan lamang mao nga, si Moises, ang propeta sa Dios, ang iyang Hari mao ang Dios. Nga maoy gikuhaan niya sa iyang mga sugo, ang Pulong sa Ginoo. Ug si Balaam, siya usab, aduna siya'y hari, ug kana nga hari mao si Balak, ang hari sa Moab, ug mao kana'y iyang gikuhaan sa iyang mga sugo ug iyang mga panalangin. Busa si Moab miingon kang Balak, "Pag-anhi dinhi," o si Balaam, miingon, "pag-anhi dinhi ug tungloha alang kanako kining maong katawhan, kay sila minglukop na sa tibukawong sa yuta. Sila mangabut lang ug tilapon ang tanan sama sa baka nga nagatilap sa mga balili." Miingon, "Pag-anhi na karon. Ug ako nakasabot nga ikaw makatunglo, ikaw makapanalangin, ang bisan unsay imong buhaton paga-ilhon."

<sup>108</sup> Karon, gusto natong himatikdan nga kining tawhana maoy usa ka propeta nga giordinahan sa Dios, apan iyang gibaligya ang iyang pagkapanganay alang sa politikanhong mga hinungdan. Sama lang sa gibuhay sa iglesia ning panahona, sama kang Luther, Wesley, Pentecostes, ug ang tibukawong pundok kanila, gipangbaligya kini alang sa mga pangdani sa ilang organisasyon. Si Moises, ilalum sa Dios; si Balaam, ilalum ni Balak. Bisan pa niana, ang parehong propeta mga tawong-tinawag sa Dios, ug parehong espirituwal. Himatikdi ang kalainan. Ang kada usa adunay ulo; ang kang Moises Dios; ang kang Balaam si Balak.

<sup>109</sup> Himatikdi dinhi kon giunsa pag-aplikar sa espirituwal, sa pagpamatuod nga ang natural sayup. Si Moises, gipadala sa Dios, diha sa linya sa pangatungdanan, gikatagbo ug gihagit sa usa pa ka propeta sa Dios. Mapamalandongan ba ninyo kana! Si Moises, ang tinawag sa Dios, gi-ordinahan sa Dios, nagabarug sa pangatungdanan sa Dios; miadto niining bugnaw, pormal nga pundok, ug gihagit sa usa pa ka propeta sa Dios, kon unsa ang gipanalanginan sa Dios ug giordinahan. Unsaon ba ninyo pag-ila sa kalainan? Pareho silang adunay mga propeta. Ang Dios nakigsulti sa parehong mga propeta.

<sup>110</sup> Ug ang uban kanila nagaingon, "Miingon ang Dios, 'Buhata *kini*.' Miingon ang Dios, 'Buhata *kana*.'" Karon, wala ko ginaduhaduhaan kana, apan nahigawas kini sa linya sa Pulong

sa Dios. Ang propeta, bisan pa kon siya usa ka propeta, siya nahigawas na sa linya. Kadaghang mga tawo ang nalingla sa ingon niana. “Oh, *kining* igsoon makahimo *niini*, ug *kining* igsoon makahimo *niana*,” ug ilimod ang Pulong?

<sup>111</sup> “Bisan pa ako nagasulti’g mga dila sa mga tawo ug sa mga manolunda, bisan pa’g ako may mga gasa, nga arang ko mabalhin ang mga bukid, bisan pa’g akong ihatag ang tanan kong mga katigayonan aron sa pagpakaon sa kabus, wala ako sa gihapon kapuslanan.”

“Daghan unya ang moduol Kanako niadtong adlaw, ug nagaingon, ‘Ginoo, Ginoo, dili ba ako nagpropesiya man sa Imong Ngalan? Dili ba, sa Imong Ngalan, nagpagula ako sa mga yawa ug naghimo ug mga dagkung mga buhat?’ Ug Ako magaingon ngadto kanila, ‘Pahawa, kamong. . . Pahawa gikan Kanako, kamong mga mamumuhat ug dautan. Wala Ko gayud kamo igkaila.’” Bisan pa niana, sila nagapanuol uban sa usa ka pagsugid nga ilang nabuhat kini, apan si Jesus miingon, “Sila’y mga mamumuhat sa pagkadautan.” Unsa ba ang pagkadautan? Maoy butang nga imo nang nasayran nga kinahanglan nimong buhaton, nga hustong pagabuhaton, ug sa gihapon dili nimo kini ginabuhat. Nakita ba ninyo ang panghitabo sa katapusang mga adlaw?

<sup>112</sup> Patalinghugi ang tibuok laray! Mao kana’y akong tuyo ning kagabhion. Akong naingon nga humanon ko sa alas nuebe, apan makalapas ko’g diyutay lang, tingali. Tan-awa, mao kana’y akong tibuok nga katuyoan, sa pagpakita kaninyo niining laray, pinaagi sa Pulong sa Dios, kita n’yo, nga—nga ang Dios kinahanglan Niyang tumanon ang Iyang Pulong aron nga magapabiling Dios.

<sup>113</sup> Karon, atong matikdan nga ang duha niini mga espirituwal nga mga tawo, parehong mga propeta, pareho nga tinawag. Ug si Moises, sa mismong linya sa pangatungdanan, uban sa presko’ng Haligi nga Kalayo sa iyang atubangan matag adlaw, ang Espiritu sa Dios diha kaniya, diha sa linya sa pangatungdanan. Ania nagaabot ang usa pa ka alagad sa Dios, tinawag sa Dios, ordinado sa Dios, usa ka propeta kang kinsa ang Pulong sa Dios nagaabot. Dinhi ang dilikadong laray. Walay usa nga makalantugi bahin nianang tawhana ingon nga tawo sa Dios—sa Dios, tungod kay ang Biblia miingon nga ang Espiritu sa Dios misulti kaniya, ug siya usa ka propeta. Apan, inyong makita, sa diha nga iyang nadawat ang matuod nga tubag gikan sa Dios, dili siya motuman Niini. Wala siya nakamatikod Niini, dayon siya’y miadto aron sa paghagit kang Moises.

<sup>114</sup> Karon, si Balaam ghibalo ang kabubut-on sa Dios, sa tibuok niyang kasingkasing. Karon, sa dihang kining bantugang tawo miabot ug miingon, “Balaam! Ang hari nga si Balak nagpasugo, nga ikaw moadto kaniya sa labing dali ug tunglohon kining

katawhan sa Israel, tungod kay sila mikatag na sa tibuok nawong sa yuta, ug karon sila nangkampo batok kanako. Ug ila nang gipangparot ang matag gingharian sa palibot, sa ubos nila. Ug karon gusto namong moadto ka ug tunglohon kining mga tawhana. Tungod kay, akong nasabtan nga kon imong tunglohon ang si bisan kinsa, siya tinunglo na.” Karon, inyong makita, usa siya ka tawo sa Dios. “Unsa may imong panalanginan, pagapanalanginan.” Usa siya ka alagad sa Dios.

<sup>115</sup> Ug si Balaam karon naghunahuna, ingon nga usa ka propeta, “Duna lamay usa ka butang alang kanako nga pagahimoon, ug mao kana ang paghibalo sa kon unsay kabubut-on sa Dios.”

<sup>116</sup> Mao kana’y katungdanan sa usa ka propeta, kon siya tinawag nga mahimong usa ka propeta. Una, unsa bay kinahanglan buhaton sa usa ka propeta? Mao ang paghibalo sa kabubut-on, sa Pulong sa Dios. Iyang kinahanglan buhaton kini. Tungod kay, ingon nga usa ka propeta, ang Pulong sa Dios nagaabot diha kaniya. Ang... Sila nagaingon, “Bueno, dili man ka usa ka teologo.” Wala gayud nagasulti ang Biblia nga ang Pulong sa Dios nagaabot sa usa ka teologo. Sila mao ang nagapalibog Niini. Ang Pulong nagaabot ngadto sa propeta sa Dios.

<sup>117</sup> Ug ania ang usa ka tawo nga kinsa usa ka propeta sa Dios. Ug sa dihang siya gisuholan, aron pagasuholan, aron sa pag-adto ug sa pagtunglo sa usa pa ka katawhan sa Dios, himatikdi, siya milakaw aron sa paghibalo sa kabubut-on sa Dios. Ug gusto niyang masayod sa Iyang hingpit nga kabubut-on, ug gihatag kaniya sa Dios ang Iyang hingpit nga kabubut-on diha sa maong butang. Ang Iyang hingpit nga kabubut-on gipahayag kaniya. Unsay Iyang kabubut-on? “Dili ka moadto!” Mao kana’y unang Pulong sa Dios. “Dili ka mouban kanila. Ayaw gayud sulayi pag-ataki ang Akong katawhan, nga nagalakaw sa Akong mga dalan nga hingpit.”

<sup>118</sup> Mao kana kon unsa na niining panahona, gusto’g makiglalis, mopakiglantugi, ug tanang uban pa, sa dihang ilang makita nga ang Espiritu sa Dios nagalihok sa inyong taliwala. Ug ilang ginapaninguhaan sa, ila nang gisulayan kini sa daghang katuigan, sa pagpugong Niini. Apan sa sige nila’g pugong Niini, nagadako pa hinoon ang pagtubo Niini. Dili mo matunglo ang kon unsay gipanalanginan na sa Dios. Dili mo mahimo gayud. Dili mo gayud mahimo kini.

<sup>119</sup> Busa, nakita ninyo, mao kadto ang katawhan sa Dios. Karon, kanang propetaha, bisan pa’g siya atua na didto ug gisuholan sa hari, mibuhat taliwala sa mga kadagkuan, ug uban pa. Ug ang Pulong sa Dios miabot kaniya. Iyang gihibalo ang kabubut-on sa Dios, ug ang kabubut-on sa Dios misulti’g balik ngadto kaniya, ug miingon, “Ayaw’g tungloha kining mga tawhana. Ako silang gipanalanginan.”

<sup>120</sup> Karon walay ni usa ka teologo ilalum sa kalangitan nga makalimod niining Mensahe nga atong ginawali, apan kon unsa Kini katukma gayud sa Pulong sa Dios sa maong panahon mismo. Ang Dios may pagpamatuod niini, sa tanan nang nasulti o nahimo man. Iya nang gipamatud-an Kini nga maoy husto. Karon, walay teologo, walay magbabasa sa Biblia, walay propeta, ang makatan-aw nianang Pulong, kon siya man usa ka propeta, iyang makita ang mao rang butang. Apan kon dili niya makita ang mao rang butang, diha nagapakita nga adunay butang nga sayup. Tungod kay . . .

<sup>121</sup> Kamo moingon, “Bueno, oh, mahimo ko man kini nga balihon.” Mao man si Balak, si Balaam. Kita n’yo? Apan giila sa Dios si Moises.

Ug unya unsa man ang pagpamatuod? Ang Pulong sa Dios. Ug iyang nadungog ang klarong, tin-aw nga desisyon sa Dios, “Ayaw pag-adto. Ayaw’g sulayi pag—pagtunglo ang kon unsay Akong gipanalanginan. Sila maoy Akong mga katawhan.”

Apan nahibalo ba mo’g unsa? Si Balaam wala nagkagusto kanila nga mga tawo, sa sugod pa lang. Oh, kon unsa ang usa ka . . . Pila ba ka mga Balaam ang ania sa kalibutan karon! Wala siya giganahan niadtong pundoka, sa sugod pa lang.

<sup>122</sup> Karon, human nga iyang nadawat ang tin-aw nga desisyon sa Dios nga, “Dili ka moadto.” Apan, inyong makita, nga imbis buhaton kini, mao ra gihapong butanga sama ni Cain, sama ni Korah, siya nasina, ug iyang—iyang gigusto, sa usa ka hinungdan aron pag-adto, sa gihapon.

<sup>123</sup> Himatikdi, sa iyang pang-denominasyon nga mga kapangulohan, human nga iyang gipabalik, miingon, “Dili, ayaw’g tuo nga ako molugsong. Ayaw’g tuo nga aduna ako’y bisan unsa nga pagabuhaton diha kanila. Dili ako makiglantugi diha kanila nga mga tawo, kay ang Dios nagsulti na kanako nga sila Iyang mga katawhan, ug dili ko ginahunahuna nga ako moadto.” Kon mipabilin unta siya diha niana!

Apan, ilalum sa iyang kasingkasing, wala siya giganahan kanila. Kita n’yo? Dili sila sakup sa iyang pundok. Ug ang bisan unsa nga dili sakup sa iyang pundok, “dili tarung, sa sugod pa lang.” Kita n’yo? Ug iyang gipakaubos sila, miingon, “Adunay pipila ka makalilisang nga mga butang nga nangahimo nila nga mga katawhan. Sigurado ang usa ka balaang Dios pagatunglohon ang mga katawhan nga ingon niana. Sila, sila’y mga burong. Dili sila edukado sama kanato. Kita mas utukan nga mga tawo. Oh, sila nagapangangkon sa pag-alagad sa Dios, apan, tan-awa sila, unsa na man sila? Usa ka pundok sa, aba, pundok sa mga ulipon, mga manglalapok, nga gipalayas sa mga Egiptohanon didto. Aba, ang Dios wala gayud magapamuhat sa bisan unsa uban sa usa ka mahugaw’ng pundok nga sama niana!”

<sup>124</sup> Napakyas siya pagtan-aw nianang gibunalan nga Bato ug nianang bitin nga tumbaga, nianang Haligi nga Kalayo. Gisulayan niya ang paghukom kanila gikan sa usa ka pangpamatasan nga panglantaw. Napakyas siya nga makita ang mas hataas nga pagtawag sa Dios. Pinaagi sa grasya, pinaagi sa pagpili, sila diha nianang linyaha, ug uban sa Pulong sa Dios. Ug sa dihang iya nang gustong tunglohon sila, ang Dios miingon, “Ayaw gayud buhata kini. Sila’y Ako. Pasagdi sila. Ayaw gayud sila hilabti.”

<sup>125</sup> Karon, busa ang maong tawo mitalikod, mibalik. Karon bantayi ang iyang pang-denominasyon nga mga kapangulohan, bisan pa’g, sa dihang siya nagabalik. Sila nagsugo’g usa ka labaw pa ka impluwensiyadong pundok. Niining higayona sila tingali pipila na ka, imbis ordinaryo lang nga lego, sila tingali mga doktor na sa dibinidad ang nagaadto ning higayona. Sila mga obispo na tingali, o tingali mga presbyteryano sa panggamhanan, sa tanan...Iyang gisugo ang usa—usa—usa ka mas maayo pang pundok, ug usa—usa nga medyo mas impluwensiyadong pundok, usa ka tawo nga may mas maayo pa’g edukasyon ug nga makapahiluna pa’g mas maayo sa plano ngadto kaniya, nga mahimo kining makatarunganon.

<sup>126</sup> Kita n’yo, mao kana’y gibuhat ni Cain; siya nangatarungan. Mao kana’y gibuhat ni Korah; siya nangatarungan. Dili siya nga nagapangatarungan.

“Atong ginatangtang ang mga pagpangatarungan.” Atong ginatoohan ang Dios, bisan kon sa unsa pa ang ginapangsulti. Atong ginatoohan ang Dios. Wala kita nagapangatarungan sa kon unsa may ginasulti sa Dios. Dili kamo makapangatarungan Niini. Kinahanglan dawaton ninyo Kini pinaagi sa pagtoo. Ug bisan unsa man ang nahibaloan ninyo, dili na ninyo kinahanglan mangatarungan pa. Wala ako masayod kon ginaunsa Niya kini sa paghimo; ako lang ginatoohan nga Siya nagahimo niini. Wala ako masayod kon unsaon Niya pagtuman nianang saad; apan Iyang giingon nga Iyang himoon kini. Akong ginatoohan kini. Ako kining ginadawat sa maong basihan nga ako nagatoo nga kini ang Pulong sa Dios.

Kamo moingon, “Bueno, dili ka makalingkawas niana.” Dili ako makahibalo kon unsaon ko makalingkawas niini, apan Siya miingon, “Isulti kini.”

Akong nahinumdoman ang akong pastor sa Baptist nag-ingon kanako, miingon, “Aba, Billy, mowali ka sa mga haligi sa simbahan. Aba, nagadahum ka ba nga may usa nga maminaw sa usa ka butang sama niana?”

Ako miingon, “Maoy giingon sa Dios.”

“Unsaon man nimo paghimo, diha sa ikapitong grado lang nga edukasyon, sa pag-ampo sa mga hari, ug magawali palibot sa kalibutan?”

<sup>127</sup> Ako miingon, “Wala ako masayod kon unsaon ko sa paghimo niini, apan, maoy Iyang giingon, ug kana maoy igo na alang kanako.” Kita n’yo? Maoy Iyang giingon. Wala ako masayod kon unsaon aron nga mangahimo kini.”

Siya miingon, “Nagadahum ka ba sa mga tawo niining dakung, edukadong kalibutan nga imong balanggaon, sa niining hilisgutan sa Balaanong pagpangayo ug uban pa, nagadahum ka ba nga motoo sila niana?”

<sup>128</sup> Ako miingon, “Wala kini kanako ang pagpakisayod kon sila ba motoo Niini o dili.” Miingon ko, “Ang akong katungdanan mao ang pagwali Niini. Mao kana’y Iyang giingon kanako. Siya miingon nga Siya magauban kanako, ug Siya misulti kanako kon unsa ang himoon niini.”

Ug nahimo niini ang tukma lang gayud sa unsay Iyang giingon niini nga pagahimoon. “Una, kupti ang ilang mga kamot; dayon mahitabo kini nga imong mahibaloan bisan pa ang tinago sa ilang kasingkasing.” Ug gisuginlan ko na kamo bahin niini, ug kini nahitabo sa ingon nianang paagi. Ginaunsa man sa paghimo niini? Sa gihapon wala ako masayod kon ginaunsa niini paghimo kini. Wala na ako’y kalambigitan kon giunsa kini paghimo; kini nahimo na lang.

<sup>129</sup> Kinsa may makasaysay sa dihang giingnan sa Dios si Elias, “Tungas didto ug pahimutang sa maong bungtod, ug Ako magapakaon kanimo. Ako nang gikatudlo ang—ang mga uwak sa pagpakaon kanimo?” Unsaon man sa uwak pagkuha’g hiniwa nga tinapay ug usa ka buok—usa ka buok nga isda, linuto na, ug dalhon kini ngadto sa propeta? Kana’y lapas na sa bisan unsa sa akong mahimong isaysay. Wala ko nagadahum nga inyo pud mahimo usab, o walay usa nga makasaysay. Apan Iya kining gibuhat. Mao kana’y mahinungdanon. Iya kining gibuhat, ug mao kana ang kamatuoran niini.

Kon giunsa Niya pagbuhat niini, wala ako masayod; wala na kini sa akong bulohaton. Apan Iya kining gibuhat. Kon giunsa Niya pagbuhat ang yuta, wala ako masayod; apan Iya kining gibuhat. Kon giunsa Niya pagpadala sa Iyang Anak, wala ako masayod; apan Iya kining gibuhat. Kon giunsa Niya nga nabanhaw gikan sa mga patay, wala ako masayod; apan Iya kining gibuhat. Kon giunsa Niya pagluwas kanako? Wala ako masayod; apan Iya kining gibuhat. Tinuod kana. Kon giunsa Niya pagluwas kaninyo? Dili ko masulti kaninyo; apan Iya kining gibuhat. Kon giunsa Niya ako pag-ayo? Wala ako masayod; apan Iya kining gibuhat. Iyang gisaad nga Iyang buhaton kini, ug ginatuman Niya ang Iyang Pulong.

Karon, si Balaam nakahibalo na unta niana, ug siya gayud mas nahibalo pa.

<sup>130</sup> Himatikdi, kining mas maayo pa, nga impluwensiyadong pundok, miabot, ug unsa pa may nakamaayo? Sila adunay mas



maayong mga gasa. Ug dili lamang niana, sila makahatag pa kaniya sa daghang kwarta, ug mahimo nila, mitanyag kaniya ug mas maayong katungdanan. “Karon, gawas nga usa lang ka yanong ministro sa organisasyon, himoon ka namong superintendente sa distrito. Kita n’yo? Nga, among—among buhaton ang usa ka butang alang kanimo kon imo lang pahawaon kanang pundok sa mga tawo didto, kita n’yo, ug pahunungon kana.” Oh, sila mitanyag kaniya sa dakung katungdanan. Miingon, “Sa dugang pa nimong pagpanalangin...” Miingon, “Nahibalo ka, mahimo kong itaas ka sa katungdanan.” Tan-awa kon diin niya ginakuha ang iyang mga pamulong, sa ulo sa maong nasud.

<sup>131</sup> Diin ba ni Moises ginakuha ang iyang Mga Pamulong? Sa Hari sa Langit. Ang usa mao ang Pulong sa saad sa Dios, “Dad-on Ko kamo ngadto sa yutang saad, ug walay tawo nga mobarug sa atubangan kaninyo. Ako magapadala ug mga tambuboan sa unahan ninyo ug pagaabogon sila, gikan sa tuo ngadto sa wala. Ug inyong angkonon ang maong yuta. Akong gisa-... Ako nang gikahatag kini kaninyo. Padayon, kuhaa kini, angkona kini, inyo kini.” Ug karon, kita n’yo, mao kana’y kon Kinsa ang ginapaminawan ni Moises. Ug kining tawhana nagapaminaw hangtud nga daw sa nahiabot kini ngadto sa iya mismong kasingkasing nga nasina siya, ug busa dayon siya miadto sa iyang ulo pang-iglesia. Kita n’yo?

<sup>132</sup> Himatikdi, usa ka mas maayong katungdanan. Siya miingon, “Nahibalo ka mahimo ko ang pagpataas kanimo sa katungdanan? Akong ipataas ka ngadto sa mas maayo pang kahimtang. Magabuhat pa ako alang kanimo. Patas-an ko ang imong suholan. Ihatag ko kanimo ang mas maayong suweldo.” Ug sa dihang natanyag niya kining tanan kaniya, nagpabuta kini kaniya.

<sup>133</sup> Pila na man ka mga Balaam ang ania sa kalibutan karon, nga, pinaagi sa mas maayong katungdanan, mas maayong iglesia, usa ka saad nga butang! Sa diha nga ang usa ka tawo mabuksan ang iyang mga mata sa Pulong ug sa mga buhat sa Dios... Ug kanang maayo nga tawo, nga nagkaaduna nay impluwensiya, magasugod ingon nga usa ka alagad sa Dios, ug siya nagahupot na ug usa ka maayong kongregasyon. Human sa pipila ka panahon, ang Bautismo sa Espiritu Santo gitanyag kaniya; ang bautismo sa Ngalan ni Jesus gitanyag kaniya, nga mao ang Kasulatan ug ang mao lang nga Makasulatanong paagi sa pagbautismo. Ug sa dihang kini gitanyag kaniya, ug ang maong denominasyon nakamatikod nga siya mawala kanila sa dihang siya nagasugod na niana, ila siyang ginatanyagan ug usa ka mas maayong katungdanan ug usa ka pag-ilis ug simbahan. Kita n’yo, ang kanhing Balaamismo, pag-usab, nga tukma gayud sama sa sinugdan.

<sup>134</sup> Karon, kanang tawhana nga nagabasa nianang Biblia, dili siya makabasa Niini gawas kon siya nakakita nga kana mao ang Kamatuoran. Walay ni usa ka tawo nga nabautismohan nga ginagamit ang mga titulo sa “Amahan, Anak, Espiritu Santo.” Usa kini ka kredo sa Katoliko ug dili Doktrina sa Biblia. Walay tawo diha sa Biblia nga nabautismohan gayud, o sa tulo ka gatus ka mga katuigan human sa kamatayon sa ulahing apostoles, apan kon unsa lang gayud ang nabautismohan diha sa nialan ni Jesus Cristo. Ang iglesiang Katoliko maoy nagsugod niana, ug ang uban pa kanila minunot niini. Ug bisan kinsa man nga ministro nga mitutok sa iyang pagtuon ug motan-aw niana, nahibalo nga kana mao ang Kamatuoran. Apan, tungod sa popularidad, aron sa pagkupot sa iyang katungdanan, mas gihunahuna ang uyon sa mga tawo, siya nag-uyon-uyon.

“Bueno,” moingon mo, “Ang Dios nagpanalangin man kaniya.”

<sup>135</sup> Tinuod. Ang uban kanila adunay mga gasa sa pagpang-ayo, ang uban kanila adunay mga dagkung mga buluhaton. Ug kana nagpayugot mismo kanila, ug sila nagabaton sa mao rang katubagan gikan sa Pulong sa Dios nga mabatonan ninyo o sa lain mang tawo. Ang Dios wala nagausbab. Nakita ninyo ang buot kong ipasabot?

<sup>136</sup> Si Balaam, tungod sa mas maayong katungdanan, iyang gihunahuna. Karon tan-awa, sa diha nga kanang mas maayong pundok nagabalik, ang hustong... Si Balaam, dinhi, gigamit ang usa ka lipatlipat nga teksto. Kita n’yo? Siya miingon... Ang—ang maong mas maayong pundok nagabalik, siya—siya angay untang miingon, “Palayo sa akong atubangan! Gisulti ko na kaninyo ang Pulong sa Dios. Lakaw! Kini MAO ANG GINAINGON SA GINOO.” Apan, nakita ninyo, sa maong mga regalo, ug aron mamahimong usa ka mas iladong tawo!

<sup>137</sup> O, daw sa unsa ka gusto nilang mohimo niini! “Among ipadala ka sa tibuok kalibutan. Hatagan ka namo ug espesyal nga eroplano. Kami magapangabaga sa imong mga tigum bisan asa kon ikaw lang...” Oh, dili. Uh-huh. Kita n’yo?

Kita nasayod kon unsa ang ginaingon sa Pulong. Kita nasayod kon unsay giingon sa Dios. Kita magapabilin niana, pinaagi sa tabang sa Dios. Kita n’yo? Bisan unsa pay matanga sa saad, ug pila pa ang imo mahimong ibayad, ug unsa pa kadaghan *niini*, *niana*, o *uban pa* nga imo mahimong—imo mahimong ipagawas; ang among gusto mao ang MAO KINI ANG GINAINGON SA GINOO, ug kon unsay Iyang giingon *Dinhi* una.

“Bueno, ang iglesia miingon, ‘Kana maoy ikaduha lang.’”

Atong gusto mao kon unsay giingon sa Dios sa sinugdanan. “Ug ang bisan unsay gidugang Niini o gitaktak gikan Niini, bisan pa ang imong ngalan pagataktakon sa maong Libro sa

Kinabuhi; sa pagdugang sa usa ka pulong Niini, o sa pagtaktak sa usa ka Pulong gikan Niini.” Atong gusto ang kon unsay Iyang giingon; dili ang kon unsay giingon sa iglesia, sa kon unsay giingon ni Doktor Jones, sa kon unsay giingon sa uban pa nga tawo. Atong gusto mao kon unsa ang giingon sa MAO KINI ANG GINAINGON SA GINOO, kon unsay giingon sa Pulong.

<sup>138</sup> Apan karon atong makaplagnan si Balaam, usa ka alagad sa Dios. Ug daghan niadtong mga tawo nagasugod, ug mga ordinado sa Dios, ug nagapanulti sa Pulong sa Dios diha sa daghang mga butang; apan sa dihang mahiadto na kini sa tibuok Kamatuoran, dili sila mobuhat niini.

<sup>139</sup> Matikdi dinhi, ingon nga usa ka propeta sa Dios, dili unta siya nahikaplagan sa ingon nianang pundok sama niana, sa sugod pa lang. Dili angay unta siya miuban kanila. Apan, bantayi, tungod alang sa popularidad, kita n’yo, tungod sa iyang konsensya, siya miingon, “Bueno, pagpabilin sa tibuok gabii, ug akong sulayan pag-usab.” Kita n’yo, “Akong sulayan pag-usab?” Alang sa unsa pa man nga imong sulayan pag-usab?

<sup>140</sup> Ang Dios misulti na kaniya kon unsa ang isulti. Ang Dios miingon, “Sultihi sila nga dili ka moadto.” Mao kana’y Iyang orihinal nga Pulong. “Dili ako moadto. ‘Ug ayaw’g adto. Ayaw gayud tungloha ang kon unsay Ako nang gipanalanginan.” Karon bantayi kon giunsa pagsumbalik niini kaniya, human sa kadali. Kita n’yo? Ug kini mahitabo gayud, matag higayon. Sa diha ang Dios nagasulti na sa bisan unsa, matinud-anon Siya niini. Dili Niya ginausab ang Iyang hunahuna bahin niini. Siya nagapabilin mismo sa Iyang Pulong. Bisana pa’g unsay ginasulti sa uban pa, Siya nagapabilin mismo diha nianang Pulong.

<sup>141</sup> Karon, si Balaam mas nahibalo na unta. Iya untang angay gibulag ang iyang kaugalingon gikan nianang pundoka. Tanan silang maanindot nga mga regalo ug ang maong saad niining hari, nag-ingon, “Abi nimo mahimo ko kini. Ako ang obispo. Mahimo ko gayud ang bisan unsa man nga akong gusto, ug ako magapauswag kanimo kon imong pagahimoon kini alang kanako.”

Ug ang Dios nagsulti na kaniya, “Ayaw’g buhata kini.”

<sup>142</sup> Apan bisan pa si Balaam miingon, “Kamo, pabilin mo sa tibuok gabii, ug akong—akong sulayan pag-usab.”

Kita n’yo, anaa na kaniya ang Pulong. Dili mo na kinahanglan makiglalis pa bahin Niini. Human na sa Dios pag-ingon. Sa pundok nga ingon niana, kanunay ka gayud nilang haylohon pagawas sa kabubut-on sa Dios, kon imo silang tugotan.

<sup>143</sup> Dunay usa ka pundok nga miduol sa usa ka propeta, sa usa ka higayon, nga ginganlan ug Job. Dili nila siya mapahiuyon. Iyang nakita ang panan-awon. Siya nasayod kon unsa ang husto.

Nakita ni Balaam ang panan-awon, ug sa gihapon wala nagpabilin Niini.

<sup>144</sup> Bisa'g kon unsa pa ka daghan ang gisulti sa iyang kaiglesiahanang mga pundok, "Oh, Job, angay mong buhaton *kini*, angay mong buhaton *kana*." Bisan pa ang iyang asawa, siya miingon, "Ikaw nagasulti sama sa usa ka tawong buang." Kita n'yo? "Nasayod ko kon unsay giingon sa Ginoo. Nasayod ko kon unsay Iyang gikinahanglan, ug mao kana kon unsay akong gibuhat." Kita n'yo, siya nagpabilin sa kon unsay giingon sa Dios kaniya.

<sup>145</sup> Himatikdi, si Balaam nga nagagamit niining lipatlipat nga teksto alang sa iyang konsensya. Kita n'yo? Siya miingon, "Bueno, akong—akong hibaloan. Akong sulayan pag-usab." Karon, dinha kon diin ka paingon, sa sunod. Pila ba ka mga Balaam ang ania kanato ning gabhiona, nga gustong mogamit nianang panglipatlipat nga teksto sa Mateo 28:19 alang lamang sa kaayohan sa ilang konsensya? Pila ba ang gustong mogamit sa Malaquias 4 alang sa kaayohan sa ilang konsensya? Pila ba ang gustong mogamit sa Lukas 17:30 alang lamang sa kaayohan sa konsensya? Pila ba ang gustong mogamit niining mga butanga, sa gihapon, "Bueno, sultihan ko kamo, ako—ako nagatoo nga nalibog silang tanan Niana"?

<sup>146</sup> Ug unya ania si Balaam nagasulay sa pag-ingon, "Tingali siguro ang Dios nalibog na. Akong sulayan pag-usab, kita n'yo, tan-awon kon unsay Iyang giingon." Karon, Siya nasayod sa inyong kasingkasing. Himatikdi, si Balaam migamit niining lipatlipat nga teksto alang sa iyang kaugalingong konsensya, tungod kay, sa tinuod, gusto niya niadtong kwarta. Gusto siya nianang pagkahalangdon. Nagkagusto siya niana. Gusto siya nianang trabaho-a. Gusto siya nianang katungdanan, aron nga pagahangdon, ingon nga Doktor *sama niini-ug-sama niana*. Busa iyang—iyang—iyang giingon, "Akong sulayan pag-usab."

<sup>147</sup> Oh, sa mga Balaam sa kalibutan ning gabhiona, sa gisaad nga mga katungdanan, popularidad! Sus, oh, sus! Gipabinhod nila ang ilang tanlag pinaagi kanila. Tungod sa ilang mga denominasyon, sila nagaingon, "Kon imo *kanang* buhaton, papahawaon ka. Nasayod ko nga ikaw usa ka maayong tawo, ug kami nahigugma kanimo," ug siya maayong tawo, "nahiguma kami kanimo. Apan dili ka makawali niana. Ang atong—atong doktrina nagahisgot nga dili ka makahimo niana. Si Doktor *Kini-ug-kana* nag-ingon nga kini ingon niini. Karon imo kini kinahanglan tohan niining paagiha, kon ikaw mopabilin kanamo. Karon, kon gusto ka, nasayod ko nga ikaw nagkalisod, bueno, akong tan-awon kon dili ta ka mahipataas sa katungdanan, tingali sa pagkambyo sa mga simbahan." Oh, ikaw nga Balaam! Sa dihang imo nang nahibaloan ang kabubuton sa Dios, buhaton mo kini! Ang Dios dili magausab sa Iyang hunahuna. Dili.

148 Usa ka butang nga iyang malingkawasan, ang Kamatuoran, alang sa iyang tahas. Siya miingon, “Bueno, akong—akong sulayan pag-usab.” Matikdi ang mga Balaam diha karon.

149 Busa karon hinumdomi, sa dihang anaa na siya sa ikaduhang gabii, uban niining kadagkuan, ang iyang konsensya naamol ug nabinhod na, gipasagdan na siya sa Dios. Karon, ang Dios wala gayud miusab sa Iyang hunahuna, apan Iyang gihatag kaniya ang Iyang panugot nga kabubut-on. “Padayon kon ingon-ana.” Apan iyang nakaplagan nga dili kini mopulos.

150 Ang Dios nasayod kon unsay atua sa kasingkasing ni Balaam. Bisan pa’g siya usa ka propeta, Siya nasayod nga siya napungot kanila nga mga holy-rollers, ug iya—ug iya gayud. . . iya—iya gustong tunglohon sila, sa unsa pa man. Ug ang Dios misulti na kaniya nga dili himoon kini, apan sa gihapon siya miadto, gustong himoon kini, pag-usab, busa gipasagdan siya sa Dios sa pagpadayon. Ang Dios miingon, “Padayon.” Karon, hinumdomi, wala gayud Siya nag-usab sa Iyang hunahuna.

151 Himatikdi, iya katong tinguha sa pagtunglo kanila. Ang maong katawhan nga iyang giisip ingon nga mga panatiko, iya gustong tunglohon sila. Gitinguha niya ang usa ka katungdanan. Dili siya gusto mobinuang kanila, busa iyang nahunahuna nga kon iyang mahimo kining diyutay’ng buhat alang sa hari, nan siya ipataas gayud sa katungdanan. Ang Dios wala gayud miusab sa Iyang hunahuna o sa Iyang Pulong.

Apan Iyang ihatag kanimo ang tinguha sa iyang kasingkasing, sa imong kasingkasing. Iya kanang gisaad. Nasayod ba mo niana? Siya misaad sa paghatag kanimo sa tinguha sa imong kasingkasing. Ug tugoti nga ang imong tinguha mao ang Pulong sa Dios. Itugot nga ang imong tinguha mao ang Iyang kabubut-on, dili gayud ang imong kaugalingong kabubut-on. Ang Iyang kabubut-on! Kon Siya. . . Magapangayo ka ug usa ka butang Kaniya, dili Niya ginahatag kini kanimo, ingnon, “Salamat Kanimo, Ginoo. Ikaw ang nasayod kon unsay maayo.”

152 Tan-awa bisan pa si Haring Ezechias, sa dihang Siya mipadala nianang propeta didto ngadto kaniya, gibuhat sa Dios, ug miingon, “Hikayon mo ang imong balay. Ikaw mamatay na.”

Si Ezechias miatubang sa bungbong ug mihilak ug maayo, ug miingon, “Ginoong Dios, ako—ako nagapakilooy Kanimo sa pagtugot kanako. Ako naglakaw sa Imong atubangan sa usa ka hingpit nga kasingkasing. Gusto ko nga tugotan Mo pa akong mabuhi ug kinsi pa ka mga tuig ang kadugayon.”

153 “Sige.” Ang Dios misulti sa propeta, nag-ingon, “Balik ug suginli siya nga Ako siyang gidungog.”

Ug unsa bay iyang gibuhat? Nagdala siya’g kaulawan sa tibuk nasud. Iyang napasilaub ang kapungot sa Dios hangtud nga Iya siyang patyon na unta. Tinuod kana. Nasayod kamo

niana. Nagbalik sa pagpakasala diha sa Dios. Mas labing maayo pa unta, maarang-arang, sa nasud, sa hari, ug sa tanan na, kon gipadayon niya unta ug gidawat ang unang butang sa Dios ngadto kaniya.

Apan daw sa malisod kini sa maong propeta, sa diha nga ang maong propeta kinahanglan mobalik ug isulti ang Pulong sa Dios ngadto kaniya, human nga siya misulti na kaniya. Apan ang Dios miingon, “Padayon.” Apan, inyong makita, kini nagdala ug kaulawan.

<sup>154</sup> Unsa may gibuhat ni Balaam? Human nga nasayran ang kabubut-on sa Dios, ug sa gihapon siya mapugsanon, iyang buhaton kini sa gihapon, bisan unsaon. Ug unsa may gihimo niini? Himatikdi. Wala gayud Niya giusab ang Iyang hunahuna. Nasayod Siya kon unsay anaa sa iyang kasingkasing.

<sup>155</sup> Nahibalo mo, si Tomas, usa ka higayon dili gayud niya matoohan kini. Dili, siya—siya miingon, “Dili, dili ko makatoo niana. Kon mabutang ko ang akong kamot ug ikapasulod kini diha sa Iyang kilid, mahibutang kini sa mga nilansangan sa Iyang kamot, bueno, nan, dayon ako—ako motoo niini kon ingon-ana.”

Siya miingon, “Duol ngari, Tomas. Kita mo? Karon ibutang ang imong mga kamot ngari.”

Karon, oh, si Tomas karon miingon na, “Kini ang akong Ginoo ug akong Dios.”

<sup>156</sup> Miingon, “Oo, nakita mo, ug karon nagatoo ka na niini. Unsa na man ka mas daku ang ilang ganti, niadtong wala nakakita ug sa gihapon nagatoo!”

Ang mga tawo usahay dili modawat sa Balaang Espiritu gawas kon sila magsulti sa mga dila. Ako nagatoo sa pagsulti’g mga dila, sa tinuod. Siya usa ka maayo nga Dios; Iyang ihatag kanimo ang tinguha sa imong kasingkasing. Apan bisan kon kapila ka pa nagsulti ug mga dila, ug ginalimod kining Pulong, sayup ka bisan pa unsaon. Kita n’yo? Kita n’yo, dili ka nagasulod pinaagi sa pagsulti’g mga dila. Nagasulod ka pinaagi sa pagtuman sa matag Pulong. Mao kana ang panghimatuod sa Espiritu Santo, sa dihang ikaw nagatoo sa Pulong sa Dios. Kita n’yo?

<sup>157</sup> Ako nagatoo sa pagsulti ug mga dila. Ako nagatoo nga ikaw mahimong buhion, sama sa akong giingon kaganinang buntag, hangtud nga ikaw magasulti ug usa ka bag-ong simultihan, Ako nang nasinatian, ako mismo, ug ako nasayod nga kini Kamatuoran. Nasayod akong tinuod kini. Apan dili kana ang timailhan, ikaw, nga ikaw pinili nga anak sa Dios. Kita n’yo? Dili, gayud. Siya wala gayud miingon. . .

“Daghan unya ang moduol Kanako ug moingon, ‘Ginoo, dili ba ako nagpropesiya man ug naghimo sa tanan niining

mga dagkung mga butang sa Imong Ngalan?” Siya magaingon, ‘Pahawa Kanako, ikaw nga nagapamuhat sa kadautan, wala ko ikaw igkaila.’”

<sup>158</sup> Nagapanulti kamo’g mga dila ug unya ginasalikway nga mabautismohan sa Ngalan ni Jesus Cristo? Aduna gyuy sayup kon asa man. Oo, sa tinuod; bisan unsa niadtong mga butanga, bisan unsa niadtong mga sugo nga gikahatag sa Dios. Adunay bahin nga sayup. Susiha lang ang kaugalingon ninyong konsensya, ug tan-awa’g unsa—tan-awa’g unsay giingon sa Biblia. Pakita-i ko’g pipila ka bahin diin adunay tawong gibautismohan sa ngalan sa “Amahan, Anak, Espiritu Santo.” Kita n’yo? Wala Kini diha. Apan, tan-awa ninyo, usahay tungod alang sa kaayohan sa inyong konsensya, kamo moingon, “Bueno . . .”

Moingon mo, “Ang Dios nagasulti ngadto sa mga kababayan-an bahin sa kon unsay ilang angay buhaton, dili sa pagsuot ug mga purol ug ingon-anang mga butanga, apan, nahibalo mo, ang pastor miingon . . .” Busa ilang ginahimo ang sayong paagi.

<sup>159</sup> Sila nasayod kon unsa may giingon sa Dios bahin niini Dinhi. Kita n’yo? Tinuod, mao kana’y giingon sa Dios.

Busa ila—ila—ila gustong himoon kini, bisan unsaon, kita n’yo. Nagapaninguha sila pagpangita’g pamalibad. “Bueno, kini siguro ang mas maayo gayud. Kini—kini dili . . . Ang hangin dili nagahuros . . .” Oo.

Apan ang Dios miingon alang sa usa ka lalaki sa pagbisti ug lahi sa usa ka babaye. “Kon ang babaye magsul-ob ug bisti nga iya sa lalaki, kini dulomtanan sa Iyang panan-aw.” Busa dili kini husto, oo, ug kinahanglan dili ninyo buhaton kini. Dili. Kita n’yo? Busa, tungod niana, kini sayup.

<sup>160</sup> Apan, inyong makita, nagapaninguha sila pagpangita’g pangatarungan, nga, “Ang Ginoo miingon kanako sa pagbuhat niini.” Wala ko nagaingon nga wala Siya nagsulti, apan, tan-awa, dili kini ang Iyang hingpit nga kabubut-on. Kini pahanugot gayud Niya nga kabubut-on. Inyo bang nakita kon unsay buhaton niini? Hugawan niini ang tibuok pundok. Nahugawan na niini ang tibuok kampo.

<sup>161</sup> Matikdi dinhi, ang Dios wala gayud miusab sa Iyang hunahuna, sa Iyang Pulong. Apan Siya usa ka maayong Dios, ug Iyang ihatag kanimo ang tinguha sa imong kasingkasing, bisan pa’g kini supak sa Iyang kabubut-on. Nagatoo ba kamo niana?

Tan-awa, ang Dios misulti kang Moises, “Moadto ka didto,” niining dinihogang propeta. Miingon, “Moadto ka didto ug sultihi kanang bato.” Kini human na nga gibunalan.

<sup>162</sup> Si Moises miadto didto uban sa iyang kasuko, mipunit sa sungkod, ug miingon, “Kamong mga masupilon, angay pa ba nga kami magapaagay kaninyo sa tubig gikan niining bato?”

ug iyang gibunalan ang maong bato. Ang tubig wala migawas. Iyang gibunalan kini pag-usab; kini migawas. Supak kadto sa kabubut-on sa Dios. Giguba kini ang matag plano sa Biblia; si Cristo gikinahanglan nang bunalan sa ikaduhang higayon. Kita n'yo? Si Cristo nabunalan na sa usa ka higayon. Giguba kini ang tibuok plano. Apan Iyang gihatag kaniya ang Iyang panugot nga kabubut-on. Unya, paghuman, siya miingon, "Kita n'yo, nakuha namo ang tubig alang kaninyo. Oo, gidala ko kini alang kaninyo, kamong pundok sa mga masupilon!"

<sup>163</sup> Ang Dios miingon, "Duol ngari, Moises. Duol diri. Saka diri sa ibabaw. . . Ikaw nga sukad usa ka kasaligang ulipon." (Sama sa usa ka babaye nga may taas ug mga tikod, "Ikaw mitungas," kita n'yo.) "Tan-aw didto sa unahan. Imo bang makita ang yutang saad?"

"O Ginoo!"

"Apan dili ka makaadto didto. Imong gipili ang Akong panugot nga kabubut-on, ubos dinhi sa maong Bato. Imong nahimaya ang imong kaugalingon, kita mo, ug dili Ako. Imong nabalaan ang imong kaugalingon. Dili mo Ako napabalaan. Wala nimo gituman ang akong orihinal nga Pulong, kon unsay Akong giingon kanimo nga pagabuhaton." Sa gihapon, ang mga tubig migawas man.

Makapandong kamo ug mga kamot diha sa masakiton ug sila mangaayo. Makapanagna mo, o makapanulti'g mga dila. Apan, ang butang mao ang, tumanon ang Iyang orihinal nga Pulong! Ang Dios wala nagausb sa Iyang hunahuna, higala. Kinahanglan nga imong tumanon ang Iyang sugo, ang Iyang kabubut-on.

"Oh, bueno, alang kana niadto sa mga tinun-an."

<sup>164</sup> Wala Siya nagausb. Kon Siya aduna pay tinun-an, mao ra nang sugoa. "Panglakaw kamo sa tibuok kalibutan ug iwali ang Maayong Balita. Kining mga ilhanan maganunot kanila nga nagatoo." Wala gayud kini nausb. Siya dili makausb.

Karon, makaingon ka, "Bueno, sultihan ko kamo, dili kini alang niining adlaw." Oh, kamong Balaamihanon! Nakita ninyo? Kita n'yo, ang Dios wala nagausb. Siya mao kagahapon, karon, ug hangtud sa kahangturan.

<sup>165</sup> Tan-awa lamang ang mga Balaamihanon karon. "Oh, nasayod ko, diha sa Biblia nga sila nagpangbautismo sa Ngalan ni Jesus, apan, tan-awa, ang tanang mga tawo. . ."

Dili ko ginatagad kon unsa man ang nabuhat sa mga tawo. "Wala nay lain pang Ngalan sa silong sa Langit nga gikahatag sa mga tawo nga pinaagi niini kamo maluwas." "Walay kapasayloan sa sala, pinaagi lamang sa Ngalan ni Jesus Cristo." Unsa pa, unsa ka pa ka maayo, unsa pay imong ginabuhat, wala gayud kana'y kalambigitan niini. Orihinal nga



Pulong kini sa Dios; kinahanglan kamong magpabilin Dinha. Whew! Bueno.

<sup>166</sup> “Ang pagkamasinugtanon sa Iyang Pulong mas maayo pa kay sa halad.” Mahinumdom ba ninyo niadtong panahona sa dihang si Saul mibalik.

<sup>167</sup> Si Balaam adunay gasa sa pagtoo ug nagamit unta kini ngadto sa hingpit, orihinal nga Pulong sa Dios.

Daghang mga kalalakihan sa natad karon, nga may mga gasa sa pagpang-ayo, makahimo sa mao rang butang. Daghang mga kalalakihan dinhi, mga tawong nagapanulti ug mga dila, mga tawong nagapanagna, usa ka gasa, mahimong gamiton kini alang sa Ginghamian sa Dios, apan wala nila kini ginabuhat. Ilang pilion . . . Ug ang Dios nagapanalangin kanila, bisan pa, ginapili ang panugot nga kabubut-on. Apan tungod sa popularidad, ug mga kalipayan, kinaugalingon nga mga kausbawan, gibaligya ang ilang mga pagkapanganay, sama sa gibuhat ni Esau, kita n’yo, gibaligya ngadto sa organisasyon. Gibaligya, sama sa gibuhat ni Balaam. Kita n’yo?

Daghan kaayo karon ang nagahimo sa mao rang butang. Nasayod kita nga kana’y tinuod. Ilang ginabaligya ang ilang pagkapanganay. Huh! Mga kababayan-ang nagapangangkon nga adunay Espiritu Santo, nagapangsul-ob ug mga purol; ginapahanugotan sila sa tawo diha sa mga pulpito, mga babaye’ng pugdol ug mga buhok diha sa mga pulpito; may mga pintal sa ilang nawong, nga nakasul-ob ug mga relihiyosong mga panuot. Ang maong pinakadakung kapangdulan nga nagkaaduna ang iglesia.

<sup>168</sup> Kon gusto ninyong masayod, sa mga pangpolitikang kagahum, kung unsang orasa na karon dinhi sa kapanahonan sa ginghamian, tan-awa kong asa na karon ang mga Judeo. Bantayi kon unsa na ang mga Judeo karon, tungod kay sila usa na ka nasud. Kon gusto kamong masayod kon asa na ang mga nasud karon nagabarug, bantayi ang mga Judeo.

Kon gusto kamong masayod kon asa na karon nagabarug ang iglesia, bantayi ang mga kababayan-an. Bantayi ang mga pamatasan sa mga kababayan-an, kay siya maoy usa ka hulagway sa iglesia. Sa dihang inyo nang makita ang kahugawan taliwala sa mga kababayan-an, inyong makita ang kahugawan sa iglesia. Kon unsa nay iyang napaingnan, usa ka pinintalan nga Jezebel, mao gayuy tukma kon unsay nadangtan sa iglesia. Kita n’yo? Karon, mao kana ang kamatuoran, ug nasayod kamo niana. Kita n’yo? Kon gusto kamong masayod kon asa na karon ang iglesia, tan-awa ang mga pamatasan taliwala sa mga kababayan-an. Kay, siya mao karon, ang iglesia maoy usa ka babaye.

Kon gusto mong masayod sa pang-nasudnong kahimtang, tan-awa ang mga Judeo.

169 Himatikdi, ingon sa gisulti sa Dios kang Balaam, human nga iyang napatalinghugan ang matuod ug tin-aw nga pagbuot, ang Pulong, “Ayaw’g adto.” Oo, unya Iya siyang giingnan, human nga Iya nakita sa iyang—sa iyang kasingkasing, kon unsay pagabuhaton niini; Gihatag Niya kaniya ang Iyang panugot nga kabubut-on, busa Siya miingon, “Lakaw.”

170 Ug mahimo mo ang mao gihapong butang. Kon dili mo gustong molakaw sa Kamatuoran, mahimo kang molakaw ug magkaadunay—magkaadunay usa ka dakung bulohaton. Sa tinuod, mahimo mo. Apan ginapili mo ang Iyang panugot nga kabubut-on. Ikaw nagalakaw lapas sa Iyang Pulong. Pauswagon ka Niya, sa tinuod. Ang . . .

Sama lang sa gibuhat Niya kang Balaam. Siya nagmalambuon, apan dili niya matunglo kadtong maong katawhan. Dili niya mahimo kini. Kay, sa matag higayon nga iyang sugdan pagtunglo, iyang gipanalanginan. Kita n’yo, dili niya mahimo kini. Apan kon pahiadto na sa pagpauswag sa iyang mga kalampusan, iyang gitudloan kadtong maong katawhan, pinaagi kang Balak, aron mahimo ang pagpanapaw. Iyang gidala sulod sa kampo sa Israel ug gipanagtipon kanila, miingon, “Aba, usa ra kitang tanan. Aba, kamo nagasimba sa mao rang Dios. Kami adunay usa ka propeta dinhi; ug kamo adunay usa ka propeta dinha. Ug aduna kitay mao rang halad, mao rang Jehova sama sa atong mga ginikanan. Karon, nganong dili man mong tanan moanhi na lang ug makigduyog uban kanamo?”

Ang Biblia miingon, “Ayaw’g pakighiusa sa inyong kaugalingon taliwala sa mga dili-magtotoo. Ayaw pagpahiangay uban kanila, man lang. Kon sila dili nagatoo Niini, pahilayo gikan kanila.” Kita n’yo? “Panggula kamo, pagpalain,” nagaingon ang Ginoo, “ug pagadawaton Ko kamo.” Kita n’yo? “Ayaw paghikap sa ilang hugaw nga mga butang.” Tinuod kana. Ang ilang kahugawan batok sa Pulong, ug sa mga butang nga ingon niana, pagpahilayo niini. Ayaw kini’g patalinghugi.

171 Ug dinhi atong makaplagan nga si Balaam miadto didto ug siya misugod sa pagtudlo sa maong katawhan, ug siya adunay sayup. Ug siya—siya nagsunod sa agi ni Balaam, kon unsa nga iyang nahimo, ug gitudlo si Balak, ug ang mga anak sa Israel nakahimo sa pagpanapaw. Ug mihampak ang kamatay sa nasud sa Israel, sa katawhan, ug nilibo kanila ang nangamatay sa usa ka adlaw.

Ug samtang atua silang tanan didto, atubangan sa halaran sa Dios, nanagpangampo, ania nangabot ang usa ka Israelinhong lalaki uban sa Midianhong babaye, usa ka pang-denominasiyon nga babaye, ug miadto sulod sa tolda. Ug ang maong anak sa sacerdote milakaw didto, ug mikuha sa usa ka bangkaw ug mipatay kanilang duha. Ug kana ang nagpahunong sa kapungot

sa Dios. Kamo nasayod nga kana ang Kasulatan. Dili ba husto kana? Kita n'yo?

<sup>172</sup> Apan unsay nahitabo? Si Balaam, siya milampos sa pagpahuyang sa Israel. Unsay iyang gibuhat? Iya gipahuyang ang ilang kampo. Ang Dios nagtugot kaniya pag-adto ug gipahuyang ang ilang kampo, ug gihugawan niini ang tibuok kampo.

Ug sa dihang aduna nay nagasugod nga pipila ka mga doktrina, nga dili maoy Kamatuoran sa Biblia, nagapahugaw kini sa tibuok kampo. Adunay usa nga mobarog uban sa usa ka laing ideya, sama ni Korah, ug nagaingon, “Bueno, *kini, kana*, ug *uban pa*, ug ako nakabaton sa laing ideya,” kini nagapahugaw sa tibuok kampo. Ug mao kana kon unsay nahimo sa tibuok kampo nga iglesia karon. Tinuod kana.

<sup>173</sup> Ginatudlo ang sama sa iyang gitudlo, nagapahuyang sa tibuok kampo alang sa Cades-barnea, ang pagpakigsangka sa Pulong. Sa dihang nahiabot na sila sa Cades-barnea, dayon, ang pagkahuyang sa kampo. Nangbalik sila. Sila mipaingon dayon human sa . . .

Hinumdomi, sila nanagpangaon sa pagkaon sa manulonda. Aduna kanila ang Pulong sa Dios, sa matag gabii, nga napadayag. Ug sila nanagkaon sa maong pagkaon. Sila nanginum gikan sa maong bato. Ang tanan kanila, nakita ang mga milagro. Ilang nakita si Moises, ug nakita ang iyang pulong, nakita ang iyang mga panagna, ang tanan na.

Ug unya sa katapusan sa dihang sila naminaw niining mini nga magtutudlo, nga misulod sa taliwala nila ug nagapanudlo'g sayup, iyang gipahuyang ang maong kampo, ug miuswag pinaagi niini.

Nakatukod tingali siya'g usa ka milyong dolyar nga mga gambalay. Aduna tingali siya'g dagkung mga denominasyon. Nakadugang man tingali siya'g linibo ka pilo nga mga linibo, ug nakahimo ug dagkung mga buhat, ug gamhanang mga buhat, ug usa ka propeta. Maayo man kana, apan, samtang nga kini wala diha sa Pulong sa Dios, mas maayo pag mopahilayo ka gikan niini.

Ang Dios wala nagausbab sa Iyang hunahuna. Pagpabilin mismo sa Iyang Pulong, kay mao kana'y mogawas diha sa katapusan, ang Pulong, Pulong sa Pulong. “Bisan kinsa ang magataktak sa usa ka Pulong gikan Niini, o magadugang sa usa ka pulong Niini!” Magapabilin gayud Kini, kanang Pulong.

<sup>174</sup> Karon paminawa'g maayo karon. Sa dihang miabot ang pasulit sa Pulong, sa dihang sila mitabok na ug nakita ang kabatok ug dagku kaayo, ang pinakadakung kabatok gayud nga ilang nakita, ang mga Amalekanhon maoy—maoy napulo ka pilo ang kadak-on kanila. Sila miingon, “Kita daw sa mga dulon tanawon. Ang ilang mga siklat, o ang ilang mga siyudad kinutaan ug

maayo hangtud nga ilang mapadaganan ug makapanaglumba sa karwahe sa palibot niini, duha ka mga karwahe, sa kaagpas nga ilang mahimong mapadagan, palibot sa mga siklat, kita n'yo, sa ilang mga siyudad. Aba, ang ilang mga bangkaw layo ra kaayo, tag-as sila. Ug mga higante sila. Aba, daw sa mga dulon kita tanawon. Dili nato mahimo kini.”

Ug duha ka mga tawo ang mibarug nianang Pulonga, si Caleb ug Josue, miingon, “Hulat lang kadali! Kamong duha ka milyon ka mga tawo panghilum kamo sa kadali. Kita labaw pang makahimo niini. Tan-awa, labaw pa kita nga ikatandi alang kanila.”

Unsa may ilang ginabasihan? Giingon sa Dios, “Ako nang gikahatag kaninyo ang maong yuta. Inyo kini.” Ug sila didto nagabarug. Apan ang mga tawo nanag-ipon na sa taga-gawas, taliwala sa uban pang mga butang, ug tanan nang matang sa mga kredo ug mga rituwal taliwala kanila, ug mga mahuyang sila, mapalidpalid, wala mahibalo kon asang dalana moliso ug kon unsa ang buhaton. Tinuod kana. Dinha nagaabot ang pasulit sa Pulong.

<sup>175</sup> Sa gihapon, Iyang ginahatag kaninyo ang pagtugot alang sa paghimo, tugotan ang imong pagbuot, usa ka panugot nga kabubut-on, sa pagkasayod nga . . . Kon unsa ang anaa sa imong kasingkasing, nasayod Siya niini.

Moingon mo, “Bueno, Igsoong Branham, akong ginabuhat ang *kini-ug-kana*. Dili kini nagapabalaka kanako. Ang Dios nagapanalangin kanako matag adlaw. Nagakanta ako diha sa Espiritu. Ako nagasayaw diha sa Espiritu. Ako . . .” Iyang pahanugotan kini. Ipadayon. Tinuod kana. Apan unsa ba ang imong pagahimoon?

<sup>176</sup> “Nagasuot ako ug mga purol, ug akong ginabuhat *kini*. Wala kini nagapabalaka kanako. Nahibalo ko nga ang akong pagtoo anaa diha kang Cristo, dili diha sa kon unsay akong ginasul-ob.”

Apan, ang Biblia miingon nga adunay usa ka butang kini. Kita n'yo? Kon unsa may imong pagabuhaton? Ikaw mohimo ug usa ka kapangdulan, sama sa gibuhat ni Balaam, atubangan sa matag-usa sa laing mga babaye. Unsa bay imong himoon sa inyong batan-ong mga babaye? Magkaaduna kay usa ka pundok sa mga Rickettas, tinuod gayud kana, usa ka pundok sa gagmay'ng pinintalan nga mga Jezebel. Kita n'yo?

<sup>177</sup> Apan pauswagon kamo sa Dios. “Aba, Iya akong ginapanalanginan.” Wala ko nagaduhaduha niana. Iyang gipanalanginan si Balaam, usab. Kita n'yo? Iyang buhaton sigurado. Kamo magalakaw diha sa Iyang panugot nga kabubut-on, dili sa Iyang hingpit nga kabubut-on. Ang Dios wala nagausab sa Iyang hunahuna, kay Siya nagapanalangin man kanimo.

Siya nagpanalangin sa Israel mismo didto sa kwarenta ka mga tuig. Unsa may ilang gibuhat? Nanagpangasawa, nanagtukod ug mga pamilya, mihalok sa mga anak, mibayad sa ilang mga ikanapulo, nanginabuhi didto mismo. Ug ang Dios nagpanalangin kanila sa kamingawan, nagpakaon kanila sa mga manna, sa walay undang. Ug ang matag-usa kanila nangamatay, kay wala gayud nila gituman ang Iyang orihinal, panugot. . . Ang Iyang orihinal nga kabubut-on, ang Iyang Pulong. Ilang gipili ang Iyang panugot nga pamaagi.

<sup>178</sup> Padayon, apan, hinumdomi ninyo, sa dihang sila mibiya sa Cades, wala na gayud sila nakapanaw ug halayo pa. Nanaglibotlibot na lang sila, sa kamingawan. Diin, sila nakagula na unta, sulod sa duha ka adlaw human niadto, atua na unta sila sa yutang saad. Sila nanagpanaw sa kwarenta ka mga tuig, ug ang matag-usa kanila nangamatay gawas kang Josue ug Caleb, sila nga nagpabilin sa orihinal nga Pulong.

<sup>179</sup> O Dios, tabangi kami. Ang Dios wala nagausbab sa Iyang kabubut-on. Wala Siya nagausbab sa Iyang hunahuna, apan Iya kang panalanginan.

Sa tinuod, Iyang gipanalanginan si Balaam. Ug unsay iyang gibuhat didto? Iyang gihugawan ang tibuok kampo. Kita n'yo, kinahanglan ninyong magpabilin sa kon unsay Iyang giingon. Wala gayud Siya nag-usab sa Iyang orihinal nga plano.

<sup>180</sup> Karon tan-awa ang mga Balaam karon, diha sa natad, kon mahimo. Tan-awa lang ang palibot. Nagamainuswagon, nagapanulti ug mga dila, tinuod, ginagamit ang mga gasa sa Dios sa pagpahimulos, sa tanan na, sa tinuod. Apan ginahugawan kini ang tibuok iglesia sa Dios diha sa ilang dautan nga panudlo. Tinuod kana.

May usa nga miingon kanako, siya miingon, “Alang sa unsa man ang pagbuhat mo *niini*? Alang sa unsa man ang pagbuhat mo *niana*?”

Ako miingon, “Wala ka ba nagatoo nga Kana ang Kamatuoran?”

<sup>181</sup> “Oh, oo. Apan,” siya miingon, “kabalo ka ba’g unsa? Dili kana’y imong bulohaton. Ikaw alang lamang sa pagpangampo sa masakiton. Sila nagatoo kanimo nga usa ka propeta. Aba, mahimo mong tudloan silang mga babaye kon unsaon, ug silang mga lalaki, kon unsaon pagbuhat *niini*, *niana*, sa *uban pa*.”

“Unsaon man nimo pagtudlo kanila sa algebra kon dili man gani nila tun-an ang ilang ABAKADA? Huh? Huh? Unsaon man nimo pagtudlo kanila silang mga butang sa dihang dili man gani nila tun-an ang ilang basahong-panugdanan?” Kita n'yo? Kinahanglan balikan ninyo ug sugdan kon diin kamo nagsugod, o diin kamo mihunong, ug himoa ang matag Pulong sa Dios.

<sup>182</sup> Tan-awa lang kining diha sa natad karon. Maingon nga si Balaam mipaminyo sa iglesia sa Dios, ug usa ka bigaon, mipaminyo sa bigaon pasulod sa iglesia sa Dios, mao usab niining mini nga mga magtutudlo karon nagapaninguha sa pagsulti kaninyo. Ilang pagaminyoon ang matag-usa niining mga organisasyon ug niining mga katawhan ngadto sa karaang bigaon sa Pinadayag 17. Ang ilang Balaam nga doktrina nagatuyok karon, ug nagaingon, “Parehas ra ta. Cristohanon kitang tanan.” Ug ang mga pari ug mga papa, ug unsa pa man, ang tanan nang-uyon-uyon na ug nagapangbuhat niini.

<sup>183</sup> Ang maong magwawali nag-ingon. . . Bisan ako nahibalo sa usa ka Pentekostal nga magwawali, tanan sila, misugod na karon pagpanghatag ug usa ka lingin nga kosher. Nga nagkahulogan, *Astarte*, ang “dios nga bulan,” usa ka kosher nga ostya. Nagaingon “Ipiyong ang imong mga mata ug kan-a kini, kon kini nagapasakit sa inyong konsensya.” Piyongon ang inyong mga mata? Usa ka lingin nga ostya, unsa bay ipasabot niini? Kita nagaambit sa usa ka gipikaspikas nga lawas, si Jesus Cristo, gipikaspikas; dili usa ka lingin nga bulan nga dios, *Astarte*, kinsa si Maria mao ang gipuli. Ug ang Romanong kosher lingin pa sa gihapon, alang sa dios nga bulan, diosa, dili dios. Aduna kitay usa ka gipikaspikas nga kosher, sa tinuod gayud. Oh!

<sup>184</sup> Busa karon ang dakung bigaon sa Pinadayag 17, kining mga Balaam nga magtutudlo uban sa ilang mini nga doktrina, ginaminyo ang iglesia ngadto nianang matanga sa kalibog. Bantayi pag-nahiabot na kini sa pagpakigsangka sa katapusang panahon, tan-awa karon ang kahuyang niini. Siyam ka gatus ug diyutay pa nga nagkalainlaing mga organisasyon, ang usa nagahaylo ngadto sa usa ka dulungan, ug ang usa sa lain. Walay panaghiusa sa taliwala kanila. Ug ilang ginapaninguhaan pagdala sa panaghiusa; nga wala gipaluyohan sa Pulong sa Dios, sa orihinal nga plano sa Dios. Ilang ginapasulod kini pinaagi sa politika ug organisasyon.

Ang Dios wala nagausab sa Iyang hunahuna. Nagapabilin Siya mismo sa Iyang Pulong. Siya miingon, “Ang mga langit ug yuta mangahanaw, apan ang Akong Pulong dili.” Tinuod kana. Siya nagapabilin diha sa Iyang orihinal nga Pulong. Oh, sus!

<sup>185</sup> Bisan pa’g sila nagapangatarungan gihapon batok Niini, sama sa ilang gibuhay, ug lamang. . . Aduna ra’y usa ka butang nga pagabuhaton. Siya dili magausab Niini. Toohi lamang. Tungod kay, ang langit ug yuta parehong mangahanaw; ang Iyang Pulong dili gayud mapakyas. Kita n’yo?

<sup>186</sup> Inyo na bang nakita kon diin kamo ngadto ginapaminyo? Tan-awa ang politika ug mga butang, kon ginaunsa nila pagpaninguha sa paghiusa sa iglesia pinaagi sa politika sa iglesia? Wala kita gihiusa kang Cristo pinaagi sa politika.

Kita ghiusa sa Iglesia, kang Cristo, pinaagi sa bautismo sa Espiritu Santo. Ug ang paagi nga imong masayran ang bautismo sa Espiritu Santo, kay kanang Espiritu diha kanimo ginaila ang matag Pulong sa Dios nga maoy Kamatuoran. Tinuod kana. “Kay bisan kinsa nga magataktak ug usa ka Pulong gikan Niini, o magadugang ug usa ka pulong Niini, ang iyang bahin pagataktakon gikan sa Libro sa Kinabuhi.”

<sup>187</sup> Sa gihapon, “Siya nagamainuswagon,” ingon ninyo. Dili ka makatoo Niana pinaagi sa kauswagan. Dili ka makahukom sa Dios pinaagi sa pagkamauswagon. Ang kalibutan nagauswag. Si Balaam nagmauswagon pinaagi niini.

Apan, igsoon, hukman mo ang Dios pinaagi sa Iyang Pulong. Siya nagatuman sa Iyang Pulong ug nagaila Niini nga Kamatuoran. Busa, hinumdomi, higala, samtang nga ikaw buhi pa, ayaw gayud kalimti kini: Ang Dios wala nagausab sa Iyang hunahuna. Bisan pa niana, Siya magapanalangin. Iya kang tugotan paglakaw diha sa Iyang panugot nga kabubut-on, apan dili Niya usbon ang Iyang hunahuna. Dili Niya usbon ang Iyang plano. Dili Niya usbon ang Iyang Pulong, alang kanimo. Dili, sir.

Ikaw kinahanglan mausab. Dili mo mahimong ipaangay ang Pulong sa Dios sa imong kasinatian; kinahanglan ang imong kasinatian mahiangay sa Pulong sa Dios. Kita n’yo? Ingon nianang paagiha nga imong angay . . .

Moigon ka, “Bueno, maayo man ako nga tawo. Nagabuhat ang Dios *niini*, *niana*, o sa *uban pa*.” Apan imo bang ginatuman ang Iyang Pulong? “Oh, bueno, sultihan ta ka, kana’y dili lamang. . . Dili.” Bueno, adunay usa ka bahing sayup kon asa man. Ang Dios mo . . . Oo, Iya kang panalanginan. Sigurado, himoon ka Niya . . .

<sup>188</sup> Ang mga denominasyon nagamauswagon ngadtong kinsa dili mobaton niini! Ilang gipakatag ang ilang mga tolda, ang dagkung, maanindot nga mga simbahan, ug tanan na, sa tibuk kayutaan. Mga dato sila, ug ang kwarta nagabuhos, ug mga membro nga nangagikan sa matag dapit. Dili ba ang Biblia nagaingon, “Diha nakaplagan kaniya bisan pa ang mga bahandi sa kalibutan, ug bisan pa ang mga kalag sa tawo,” ug tanan na, nga nakaplagan niining karaang bigaon, nga maoy inahan sa maong kinatibuk-ang butang, ang politika ug organisasyon?

<sup>189</sup> Apan ang diyutay’ng pundok sa Dios mao ang Iyang Pangasaw-onon, nga nasentro nianang Pulong. Hinaut nga ang mahal nga Langitnong Amahan sa kanunay ipabilin kamong nalg-on mismo dinha. Ayaw gayud mo’g irug gikan nianang Pulong.

Mahimong panalanginan ka, mahimo mong . . . Mahimong ayohon sa Dios ang imong masakiton. Mahimong ayohon Niya ang imong bata nga masakiton. Mahimo Niyang ayohon ang imong bana, ang imong asawa. Mahimo Niyang ayohon ang

imong inahan, uban pa. Mahimo kang makalukso diha sa Iyang Espiritu, ug magsayaw pataas-ug-paubos.

Hinumdomi, ang ulan nagakahulog diha sa matarung ug sa dili-matarung, parehas lang. Apan kon kanang binhi napahimutang dinha, mahimo kining ordinado o kini dili ordinado. Ug kon kini ordinado, mahimo niini. . . Kon usa kini ka trigo, kinahanglan magapamunga kini'g trigo. Kon kini usa ka Pulong sa Dios, kinahanglan igapamunga niini ang Pulong sa Dios. Kon dili niini, bueno, nan kini dili gayud. Kita n'yo? Nakuha ba ninyo kana karon?

<sup>190</sup> Ang Dios magapanalangin kaninyo. Dinhi akong giingon kaninyo nga ako moundang sa alas nuebe, ug nia na karon, bayente minutos na aron mag-alas diyas. Daghan kaninyo nga mga tawo, ang taas pang pagabiyahe-an. Ako nahigugma kaninyo. Ug ang hinungdan nga napugngan ko kamo sa ingon niini, dili tungod kay gusto kong mahimong walay-kaluoy kaninyo, apan ginahigugma ko kamo. Ug unsay akong nakat-onan, dili nako ginatago; akong ginasulti kaninyo ang Kamatuoran.

<sup>191</sup> Didto sa mga tigum nga akong ginaadtoan, dili gayud kamo makadungog kanakong nagawali niining mga Mensahea. Dili, akong gisaad kaninyo, sa pag-anhi niining tabernakulo. Dinhi mismo diin ko ginawali ang akong mga Mensahe. Aduna pa ko'y tulo o upat dinhi, nga gihatag sa Ginoo kanako, aduna ko'y mga Kasulatan niini, nga dili ko gayud patughang iwali kini bisan asa pa kondili dinhi gayud. Dinhi diin maoy gigikanan sa pagkaylap sa Pulong sa Dios. Ug, hangtud nga ang Dios nagausab niini, nagapabilin ako mismo dinhi ug ginadala kini pagawas gikan dinhi. Tinuod kana.

Didto sa maong mga tigum, ako nagapangampo alang sa masakiton, ug tanan nang ingon niana; ug, sa laing bahin, nagasulti sa mga butang sa paaging dili-laktod, nga ang karnero makadungog Niini. Sila nahibalo kon unsay ginahisgotan niini. Kon dili man, kini usa ra ka paon diha sa taga, nakita ninyo. Akong ginapakita ang mga timailhan sa—sa pagpaninguhang ipakita nga ang Dios nasayod, diha sa pag-ila, ug nasayod sa mga kasingkasing sa mga tawo, ug nagahimo niining mga butanga. Mao kana ang pagpang-ebanghilyo nga gasa, aron lang sa pag-aghat sa mga tawo.

Ang unang butang inyong masayran, usa ka teyp nagaabot ngadto sa ilang balay. Mao na kana, dayon. Kon usa siya ka karnero, siya mismo monunot Niini. Kon siya usa ka kanding, iyang sipaon pagawas ang teyp. Uh-huh. [Si Igsoong Ben Bryant nagaingon, “Ug ikaw, usab.”—Ed.] Nakita n'yo, kana'y. . . “Ug ikaw, usab,” maoy husto, Ben. Niana, kana'y husto gayud. Si Ben may pipila na ka kasinatian. Sige. Bueno, mao kana'y tinuod.



<sup>192</sup> Wala ba mo malipay nga kamo Iya? [Ang kongregasyon nagaingon, “Amen.”—Ed.] Wala ba mo malipay? [“Amen.”] Among ginaawit kanhi ang usa ka hamubong kanta sa pentecostal, sa dugay na, sama sa:

I’m so glad that the Lord brought me out;  
I’m so glad that the Lord brought me out;  
If it had not been for Jesus, where would I be?  
I’m so glad that the Lord brought me out.

Oh, I been happy since the Lord brought me out;

I been happy since the Lord brought me out;  
If it had not been for Jesus, where would I be?  
I’m so glad since the Lord brought me out.

I been shouting since the Lord brought me out;  
I been shouting since the Lord brought me out;  
If it had not been for Jesus, oh, where would I be?

I’m so glad that the Lord brought me out.

Himaya! Wala ba mo malipay? [Ang kongregasyon nagaingon, “Amen.”—Ed.] “Wala ba mo malipay...” atong awiton kini.

Aren’t you glad that the Lord brought you out?  
Aren’t you glad that the Lord brought you out?  
If it had not been for Jesus, oh, where would I be?

I’m so glad that the Lord brought me out.

Well, I been singing since the Lord brought me out;

I been singing since the Lord brought me out;  
If it had not been for Jesus, oh, where would I be?

I’m so glad that the Lord brought me out.

Wala ba mo malipay niini? [Ang kongregasyon nagaingon, “Amen.”—Ed.] Nan, manglakaw kita sa Kahayag. Kahibalo ba mo nianang kantaha?

We’ll walk in the Light, It’s a beautiful Light,  
Comes where the dewdrops of mercy are bright;  
Shine all around us by day and by night,  
Oh, Jesus, the Light of the world.

Dili ba mo giganahan niana? Atong awiton kini pag-usab.

We’ll walk in the Light, It’s a beautiful Light,  
Comes where the dewdrops of mercy are bright;  
Shine all around us by day and by night,  
Oh, Jesus, the Light of the world.

Kini na ang pagsubang!

All ye saints of Light proclaim,  
 Jesus, the Light of the world;  
 Truth and mercy in His name,  
 Jesus, the Light of . . .

Karon atong ibayaw ang atong mga kamot samtang kita  
 nagaawit niini.

Oh, we'll walk in this Light, It's such a  
 beautiful Light,  
 It comes where the dewdrops of mercy are  
 bright;  
 Shine all around us by day and by night,  
 Jesus, the Light of the world.

Maglamanohay sa kamot ang usa'g-usa.

Oh, It comes where the dewdrops of mercy are  
 bright.

Wala ba mo malipay nga kamo mga anak sa Kahayag? Ang  
 Anak nagasubang na.

. . . all around us by day and by night,

“Kamong gagmay'ng mga anak, paghinigugmaay mo sa  
 usa'g-usa.”

. . . the Light of the world.

Oh, we'll just walk in the Light, It's such a  
 beauti- . . . (ang pagpadayag sa Iyang Pulong)  
 Comes where the dewdrops of mercy are bright,  
 Just shine all around us by day and by night,  
 It's Jesus, the Light of the world.

Nagatoo ba mo niini?

We're marching to Zion,  
 The beautiful, beautiful Zion;  
 We're marching upward to Zion,  
 That beautiful City of God.

Oh, we're marching to Zion,  
 Beautiful, beautiful Zion;  
 We're marching upward to Zion,  
 That beautiful City of God.

Let those refuse to sing  
 Who never knew our God;  
 But children of the Heavenly King  
 And but children of the Heavenly King  
 And may speak their joys abroad,  
 May speak their joys abroad.

For we're marching . . . (Himaya!)  
 The beautiful, beautiful Zion;  
 We're marching upward to Zion,  
 That beautiful City of God.

Oh, we're marching to Zion,  
 Oh, beautiful, beautiful Zion;  
 We're marching upward to Zion,  
 That beautiful City of God.

<sup>193</sup> Kuhaa ang inyong panyo. Ipagawas ang inyong mga panyo, sa kadali lang. Atong ihatag sa Ginoo ang usa ka tinabyog nga halad. Dili Kini usa ka bangan, apan nagkuha sila gikan sa lawas ni Pablo ug mga panyo ug mga butang, kita n'yo.

Oh, we're marching to Zion,  
 Oh, beautiful, beautiful Zion;  
 We're marching upward to Zion,  
 That beautiful City of God.

Oh, we're marching to Zion,  
 Oh, beautiful, beautiful Zion;  
 We're marching upward to Zion,  
 That beautiful City of God.

<sup>194</sup> Amen! O, wala ba kini mopabati kaninyo ug maayo? Ako lang mahunahunaan katong mga balaan kaniadto, sa wala pa ang pagpaingon ngadto sa sirko sa Romano didto, sa pagsugod ug tungas niadtong bungtod, nahibalo na mo, pasaka niadtong diyutay'ng dulhogan, paingon ngadto sa langub sa mga leon, nagapanulti:

Oh, we're marching to Zion,  
 This beautiful, beautiful Zion;  
 We're marching upward to Zion,  
 That beautiful City of God.

The fields of Zion yields  
 A thousand sacred sweets  
 Before we reach the Heavenly Throne,  
 Before we reach the Heavenly Throne,  
 Or walk the golden streets,  
 Or walk the golden streets.

We're marching to Zion,  
 Beautiful, beautiful Zion;  
 We're marching upward to Zion,  
 That beautiful City of God.

<sup>195</sup> Sabat kamo kanako. Ginoong Dios, [Ang kongregasyon nagaingon, "Ginoong Dios,"—Ed.] Akong ginasaad ang akong kaugalingon pag-usab nganha Kanimo. ["Akong ginasaad ang akong kaugalingon pag-usab nganha Kanimo."] Hinloi ako gikan sa tanang pagkadili-matarung. ["Hinloi ako gikan sa tanang pagkadili-matarung."] Limpyohi ako gikan sa tanang pagpangduhaduha sa Imong Pulong. ["Limpyohi ako gikan sa tanang pagpangduhaduha sa Imong Pulong."] Itugot kanako, gikan niining Pasko sa Pagkabanhaw, ["Itugot kanako, gikan niining Pasko sa Pagkabanhaw,"] nga mahimong usa ka bag-ong binuhat ["nga mahimong usa ka bag-ong binuhat"] diha

kang Cristo Jesus. ["diha kang Cristo Jesus."] Itugot nga akong dalhon, sa akong kasingkasing, ["Itugot nga akong dalhon, sa akong kasingkasing,"] ang Imong Pulong. ["Ang Imong Pulong."] Hinaut nga Kini maoy Suga sa akong mga tiil ["Hinaut nga Kini maoy Suga sa akong mga tiil"] nga Moiwag sa akong agianan. ["nga moiwag sa akong agianan."] Gikan karon, ["Gikan karon"] Ako magasunod Kanimo. ["Ako magasunod Kanimo."] Sa Ngalan ni Jesus. ["Sa Ngalan ni Jesus."] Amen. ["Amen."]

We're marching to Zion,  
Oh, beautiful, beautiful Zion;  
We're marching upward to Zion,  
That beautiful city of God.

<sup>196</sup> Dili ba kana nagapabati ug maayo kaninyo? [Ang kongregasyon nagaingon, "Amen."—Ed.] Ato nang gisaad ang atong kaugalingon pag-usab, sa pagpakahibalo nga diha sa atong mga kasingkasing nga kita gibuhi na gikan sa mga patay, gihimo nang buhi. Dili ba kini nagapabati ug maayo kaninyo? ["Amen."] Sus, oh, sus! Ako nahigugma kaninyo, uban sa gugma nga dili-mamatay.

Paminaw. "Paghinigugmaay mo sa usa'g-usa. Kay dili ka makadumot sa imong igsoon, kinsa imong makita, ug nagaingon nga imong ginahigugma ang Dios, Kinsa wala mo pa nakita." Kita n'yo? Busa paghinigugmaay mo sa usa'g-usa.

Dayon, pag-alagaray mo sa usa'g-usa, inyong ginaalagaran ang Dios. Husto ba kana? "Maingon nga inyong ginahimo ngadto sa pinakagamay niining nakabaton na sa nagabuhing Gahum diha kanila, inyong gibuhat kini Kanako."

"Kanus-a ba kami nakakita Kanimo nga anaa sa panginahanglan? Kanus-a ba kami nagbisita Kanimo sa bilangguan? Kanus-a ba namo nahimo kining mga butanga?"

"Kon unsay inyong nabuhat kanila, gibuhat ninyo kini Kanako."

<sup>197</sup> Dili ba maanindot kana? [Ang kongregasyon nagaingon, "Amen."—Ed.] Ako nahigugma Kaniya, di ba kamo usab? ["Amen."]

<sup>198</sup> Oh, aduna pay usa ka kanta nga atong angay awiton, kon aduna kamoy diyutay pang panahon. Oh, bueno, ato lang sila awiton. Sige. Sige, sir. Oh! *Take The Name Of Jesus With You.* Ayaw kalimti kana, mga higala. Atong awiton kini karon. Ang matag-usa, sa pagdungan karon, uban lang diha sa usa ka dakung kasingkasing, dad-a kini ngadto Kaniya. Ato, uban sa tanan nga ania kanato.

Take the Name of Jesus with you,  
Child of sorrow and of woe;  
It will joy and comfort give you,  
Take it everywhere you go.

Precious Name, O how sweet!  
Hope of earth and joy of Heaven;  
Precious Name, O how sweet!  
Hope of earth and joy of Heaven.

<sup>199</sup> Hinumdomi karon, iampo ako sa dihang ang init nga mga hangin sa pagpanglutos nagahaguros, sa dihang ang mga demonyo sa tanang dapit nagapanghagit, akong hinumdoman nga kamo nagapang-ampo alang kanako sa gabii o adlaw, ug ako magaampo man alang kaninyo.

Paluyohi ang inyong maayong pastor, si Igsoong Neville, ug ang katabang nga si Igsoong Capps. Paminaw kanila. Sila magatudlo kaninyo sa Pulong sa Kinabuhi. Nagatoo ako niana. Kon wala pa ko mitoo niini, siguradong wala ko sila unta gitugotan nga maania dinhi. Sigurado ko nga dili gayud. Nagatoo ako nga sila nagatoo sa Mensahe, ug sila nagapabilin niini sa pinakamaayo sa ilang kahibalo, ug aduna ako'y pagtoo diha sa duha ka maong mga tawo. Pagpabilin uban kanila. Niining uban nga mga igsoon, sa palibot kong asa aduna sila'y ilang panagtigum, nga mipahimutang dinhi niining gabhiona, kon kamo anaa sa palibot sa ilang lugar, pagpabilin diha uban kanila. Inyong nadunggan ang unsay ilang gianhian dinhi, ning gabhiona.

Take the Name of Jesus with you,  
As a shield from every snare; (patalinghugi  
kini)  
When temptations round you gather,  
Just breathe that holy Name in prayer.  
Precious Name, precious Name, O how sweet!  
O how sweet!  
Hope of . . .

Minahal nga Dios, ayoha kining mga katawhan. Ako nagaampo Kanimo, Amahan, sa Ngalan ni Jesus. Itugot kini, Ginoo, ako nagaampo.

. . . O how sweet!  
Hope of earth and joy of Heaven.  
Till we meet! till we meet!  
Till we meet at Jesus' feet;  
Till we meet! till we meet!  
God be with you till we meet again.

Atong iduko ang atong mga ulo karon.

[Si Igsoong Branham nagasugod paghagong sa *God Be With You*—Ed.] O Dios, ubani kami. Tabangi kami, Ginoo.

...we meet at Jesus' feet! (hangtud sa atong pagkitaay!)

Till we meet! till we meet!

God be with you till we meet again.

<sup>200</sup> Mao kana sa tinuod ang akong pag-ampo. Hangtud sa atong pagkitaay pag-usab, ang Dios magapanalangin kaninyo! Ug karon hangyoon ko ang atong mahal nga Igsoong Neville kon pauli-on na niya kining maayo kaayong kongregasyon.

Ang Dios nagahigugma kaninyo, sa matag usa. Mapasalamaton ako'g maayo nga nakabaton ug mga katawhan sama kaninyong tanan. Unsa bay mahitabo sa akong Mensahe kon walay tawo nga mitoo Niini? Ug adunay mga tawo dinhi, nga ikaw andam mamatay alang Niini, alang niining Mensahe nga atong naangkon. Hinaut nga tabangan kamo sa Dios, ang matag usa. Ang akong mga pag-ampo kauban ninyo. Ang akong mga pagpanalangin nagauban sa matag-usa kaninyo. Hinaut nga kamo dili makalimot nga kabahin kamo diha nianang pagkabanhaw. Ang nagabuhing Gahum anaa na karon kaninyo. Kining tanan napahiluna na. Mga anak kamo sa Dios.

Atong iduko ang atong mga ulo, hangtud nga si Igsoong Neville mopapauli na. Ug ang Dios magapanalangin kaninyo.



*GINAUSAB BA GAYUD SA DIOS ANG IYANG  
HUNAHUNA BAHIN SA IYANG PULONG? CEB65-0418E*  
(Does God Ever Change His Mind About His Word?)

Kining Mensahe ni Igsoong William Marrion Branham, una giwali sa Ingles niadtong Dominggo sa gabii, Abril 18, 1965, sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2009 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)